

Na osnovu člana 19. stav 4. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine na 77. sjednici, održanoj 10.07.2013. godine, donosi

## ZAKLJUČAK

1. Usvaja se Izvještaj o radu Federalnog zavoda za statistiku za 2012. godinu.
2. Ovaj zaključak stupa na snagu danom donošenja.

V. broj: 699 /2013  
10.07.2013. godine  
Sarajevo



**PREMIJER**

**Nermin Nikšić**

**BOSNA I HERCEGOVINA  
FEDERACIJA BOSNE I HERCEGOVINE  
FEDERALNI ZAVOD ZA STATISTIKU**

**IZVJEŠTAJ O RADU  
FEDERALNOG ZAVODA ZA STATISTIKU  
ZA 2012. GODINU**

**Mart 2013. godine**



## SADRŽAJ:

I Uvod .....	5
II Izvršenje Plana po oblastima .....	6
1. Poslovne statistike .....	7
1.1. Statistika poljoprivrede, šumarstva, ribarstva i okoliša .....	7
1.2. Statistika industrije, građevinarstva i energije .....	8
1.3. Strukturno poslovno statističko istraživanje.....	10
1.4. Statistika usluga i vanjske trgovine .....	11
1.5. Poslovni statistički registar i ekonomske klasifikacije .....	13
1.6. GIS i registar prostornih jedinica .....	14
2. Statistika stanovništva i društvene statistike .....	15
2.1. Statistika stanovništva i registar .....	15
2.2. Statistika tržišta rada.....	17
2.3. Statistika razvoja društva .....	18
2.4. Statistika životnih uslova .....	19
3. Ekonomske statistike.....	20
3.1. Statistika nacionalnih računa .....	20
3.2. Statistika cijena .....	21
III Administrativna i tehnička podrška.....	22
1. Publicistika i diseminacija.....	22
2. Pravni, kadrovski, finansijsko-računovodstveni i opći poslovi.....	23
3. Informaciono - komunikacione tehnologije i statističke metode.....	25
3.1. Informacioni sistem i tehnička podrška .....	25
3.2. Statističke metode i koordinacija.....	26
3.3. Razvoj aplikacija za unos podataka .....	26
3.4. Razvoj baza podataka, podrška diseminaciji i unos podataka .....	27
IV Kantonalne Službe i Uredi .....	28
V Aktivnosti koje su imale međunarodnu podršku.....	29
VI Uslovi koji su uticali na realizaciju statističkih aktivnosti .....	31
1. Organizaciona struktura .....	31
2. Finansiranje.....	33
P R I L O Z I:.....	34
Prilog 1. – Planirane i izvršene aktivnosti po oblastima u 2012. godini .....	35
Prilog 2. – Spisak aktivnosti koje nisu provedene u 2012. godini .....	36
Prilog 3. – Spisak publikacija objavljenih u 2012. godini .....	37
Prilog 4. – Zaposleni prema polu i stepenu obrazovanja (31.12.2012.).....	39
Prilog 5. – Budžet Federalnog zavoda za statistiku.....	40
Prilog 6. – Poslovni prostor.....	40
Prilog 7. – Spisak seminara i obuka u 2012. godini.....	41



## I Uvod

Federalni zavod za statistiku je samostalna upravna organizacija za poslove statistike u Federaciji Bosne i Hercegovine koja na nepristrasan i stručan način proizvodi statističke podatke i iste dostavlja svim kategorijama korisnika, od Vlade i drugih organa i institucija do najšire javnosti.

Federalni zavod za statistiku (u daljem tekstu: Zavod) u skladu sa načelom neutralnosti, objektivnosti i stručne neovisnosti, samostalno i profesionalno odlučuje o metodama i načinu prikupljanja, obrade, čuvanja i prezentiranja statističkih podataka.

Zavod je uspješno proveo statističke aktivnosti za 2012. godinu definisane Programom provođenja statističkih istraživanja od interesa za Federaciju Bosne i Hercegovine za period 2009. - 2012. i Planom provođenja statističkih istraživanja od interesa za Federaciju BiH za 2012.godinu (u daljem tekstu: Plan) usvojenim Odlukom Vlade Federacije Bosne i Hercegovine V.broj: 179/2012 od 22.02.2012. godine („Službene novine Federacije Bosne i Hercegovine”, broj 18/12 od 29.02.2012. godine).

Prioritetni zadaci Zavoda bili su:

- Implementacija Zakona o statistici u Federaciji Bosne i Hercegovine, Sporazuma o primjeni jedinstvenih metodologija i jedinstvenih standarda pri izradi statističkih podataka BiH i Fundamentalnih principa zvanične statistike UN i EU
- Početak implementiranja Kodeksa/Pravila rada evropske statistike i daljnja harmonizacija bosanskohercegovačke statističke legislative sa EU legislativom
- Jačanje institucionalne uloge i položaja Zavoda u institucijama i izvršnoj vlasti FBiH
- Kontinuiran rad na harmonizaciji postojećih i donošenju novih metodologija, klasifikacija, standarda, donošenje novih i njihovo objavljivanje kao nacionalnih standarda
- Učešće u implementaciji međunarodnih projekata pomoći razvoja statističkog sistema u Bosni i Hercegovini u skladu sa EU standardima i regulativama, koji će pomoći razvoju statistike na nivou BiH i na nivou entiteta
- Pripreme za provođenje Popisa stanovništva, domaćinstava i stanova u Bosni i Hercegovini

U ovom izvještaju su prikazane realizovane i nerealizovane aktivnosti po oblastima, kao i aktivnosti vezane za administrativnu i tehničku pomoć, te problemi koji su se javili tokom realizacije aktivnosti i preduzete mjere za rješavanje tih problema.

## II Izvršenje Plana po oblastima

Za 2012. godinu u Zavodu je planirano ukupno 184 aktivnosti, a uspješno je završeno 174 ili 94,6 % planiranih aktivnosti (Prilog 1).

Nije realizovano 10 planiranih aktivnosti. Godišnje istraživanje o upotrebi informacijskih i komunikacijskih tehnologija u preduzećima i u domaćinstvima (planirano kao probno), nije izvršeno zbog nedostatka novčanih sredstava, koje je trebala obezbijediti Agencija za statistiku BiH putem pronalaženja donatora. Takođe, Agencija za statistiku BiH nije pravovremeno pokrenula sve neophodne pripreme aktivnosti za sljedeća statistička istraživanja: Kvartalni indikatori u hotelijerstvu i ugostiteljstvu, Kvartalni indikatori u poštanskim i kurirskim uslugama, Kvartalni indikatori u telekomunikacijskim uslugama i Kvartalni indikatori u poslovanju nekretninama. Nastavak i završetak aktivnosti planiran je tokom 2013. godine. Aktivnost Implementacija baze podataka registra prostornih jedinica je djelimično realizovana shodno dinamici priprema kartografske dokumentacije za Popis stanovništva. Ova aktivnost, koja ima za cilj da se skice koje će se koristiti u Popisu stanovništva nakon njihove pripreme importuju u Oracle bazu podataka, u cjelosti nije realizovana zato što su skice dostavljene Zavodu od vanjskih izvođača radova više puta vraćene na ispravku. Pripreme za provođenje Popisa poljoprivrede nisu realizovane iz razloga što nije donesen Zakon o popisu poljoprivrede na nivou BiH. Preporuka je da se Popis poljoprivrede provede godinu do dvije nakon Popisa stanovništva. Nisu realizovane ni aktivnosti iz oblasti naučno-istraživačkog rada, jer najveći dio subjekata nije dostavio relevantne podatke, obzirom da Zakon o naučno-istraživačkom radu nije donešen u svim kantonima (Prilog 2).

Zavod je u oktobru 2012. godine proveo Probni popis stanovništva, domaćinstava i stanova, a stečena iskustva će se primijeniti prilikom provođenja Popisa u oktobru 2013. godine.

Realizacija statističkih aktivnosti predstavlja složen proces u kojem su najvažnije faze:

- izrada metodologija harmoniziranih sa EU standardima i regulativama
- izrada i ažuriranje pomoćnog instrumentarija za provođenje statističkog istraživanja (nomenklature, klasifikacije, kodeksi)
- uspostavljanje organizacionih osnova za provođenje statističkih istraživanja
- izrada, štampanje i distribucija obrazaca i metodoloških i organizacionih uputstava
- obuka kadrova na terenu
- izrada i održavanje aplikacija za unos i obradu podataka,
- prikupljanje podataka od izvještajnih jedinica i održavanje kontakta s njima
- kontrola podataka
- priprema za obradu i obrada podataka
- analiziranje podataka
- priprema publikacija (saopćenja, bilteni, statistički godišnjak)
- objava rezultata

U daljnjem tekstu nalazi se detaljan prikaz izvršenih statističkih aktivnosti.

## **1. Poslovne statistike**

### **1.1. Statistika poljoprivrede, šumarstva, ribarstva i okoliša**

#### **Statistika poljoprivrede**

Statistika poljoprivrede obuhvata statistiku biljne i stočne proizvodnje, i poljoprivredne račune i cijene. Izvještajne jedinice za biljnu i stočnu proizvodnju su pravne osobe i dijelovi pravnih osoba koje se bave poljoprivredom (Područje A, oblast 01 prema KD BiH 2010), a općinske službe za poljoprivredu (u okviru porodičnih poljoprivrednih gazdinstava). Ovisno o oblasti poljoprivrede, izvještajne jedinice su i klanice, mljekare (područje C, razred 10.51) i pravne osobe iz djelatnosti trgovine (područje G).

Biljna proizvodnja obuhvata podatke o korištenju poljoprivrednih površina, strukturi sjetve, stablima voća i čokotima vinove loze – ukupna i rodna, potrošnji inputa i bilansama (samo za poljoprivredna preduzeća), ostvarenoj proizvodnji usjeva, voća i grožđa (obuhvat 80 pravnih osoba iz poljoprivrede i 79 općina).

Stočna proizvodnja obuhvata podatke o brojnom stanju stoke i stočnoj proizvodnji (80 poljoprivrednih preduzeća i 79 općina), klanju stoke i peradi u klanicama (100 klanica), aktivnosti i strukturi valionica/inkubatorskih stanica (15) i prikupljanju mlijeka i mliječnih proizvoda (30 mljekara).

Poljoprivredni računi i cijene (agro-monetarna statistika) obuhvataju podatke o otkupu i prodaji poljoprivrednih proizvoda, tj. količini, vrijednosti i prosječnoj cijeni (250 izvještajnih jedinica), cijenama reprezentativnih inputa (stočna hrana, mineralna đubriva, sredstva za zaštitu bilja) i izradu poljoprivrednih računa. U cilju poboljšanja agro-monetarne statistike nastavljen je rad na izradi šeme ponderisanja i kompletiranja serije nedostajućih podataka, nastavilo se sa izradom eksperimentalnih ekonomskih računa za poljoprivredu, indeksa cijena poljoprivrednih output-a i indeksa cijena određenih inputa u poljoprivredi.

#### **Statistika ribarstva**

Statistika ribarstva prikuplja podatke o uzgoju i tovu ribe i mlađi, proizvodnji ribljih jaja/ikre i mlađi i inputima u ribarstvu. Izvještajne jedinice su ribnjaci, tj. pravne osobe i dijelovi pravnih osoba (25 izvještajnih jedinica, Područje A, oblast 03).

#### **Statistika šumarstva**

Podaci o proizvodnji, prodaji, zalihama i cijeni i vrijednosti šumskih sortimenata prikupljaju se i publikuju na mjesečnom nivou. Izvještajne jedinice su pravne osobe i dijelovi pravnih osoba iz oblasti šumarstva (Područje A, Oblast 02 prema KD BiH 2010), a u obuhvatu je 35 izvještajnih jedinica.

Godišnjim istraživanjima prikupljaju se podaci o bruto posječenju drvno masi, podizanju i gajenju šuma, iskorištavanju šuma, štetama u šumama i šumskim požarima, te građevinskim objektima, saobraćajnicama i mehanizaciji u državnim šumama. Izvještajne jedinice su pravne osobe i nadležni organi uprave, ovisno o vrsti istraživanja.

U 2012. godini provedeno je probno istraživanje (za 2011. godinu) „Ekonomski računi u šumarstvu - ŠUM-ER“, a u obuhvatu su bila javna



preduzeća šumarstva i preduzeća koja se bave uslugama u šumarstva (60 izvještajnih jedinica). Prikupljeni podaci su obrađeni i analizirani, tako da se od 2013. godini provodi kao redovno istraživanje.

Statistika lovstva prikuplja podatke o brojnom stanju divljači, lovišta i lovaca, te lovačkim zgradama i objektima na godišnjem nivou. Izvještajne jedinice su pravne osobe iz oblasti šumarstva i lovačka društva, a u obuhvatu je bilo 100 izvještajnih jedinica.

## **Statistika okoliša**

Statistika okoliša obuhvata statistiku otpada i statistiku voda, sva istraživanja su na godišnjem nivou. Izvještajne jedinice su iz oblasti rudarstva, industrije, energije, snabdijevanja vodom i upravljanja otpadom (područja B, C, D i E) ovisno o vrsti istraživanja.

Statistika otpada prikuplja podatke o otpadu (opasnom i neopasnom) nastalom u proizvodnim aktivnostima, otpadu odloženom na deponijama, sakupljenom komunalnom otpadu i preradi/odstranjivanju otpada (obuhvat je oko 500 izvještajnih jedinica).

Statistika voda prikuplja podatke o korištenju voda i zaštiti voda od zagađivanja u industriji i rudarstvu, javnom vodvodu i javnoj kanalizaciji (obuhvat je oko 400 izvještajnih jedinica). U 2012. godini redizajnirani su obrasci i upustva za provođenje istraživanja o statistici voda sa ciljem unapređenja statistike voda, kako bi se omogućilo što uspješnije ispunjavanja nacionalnih i međunarodnih zahtjeva.

### **1.2. Statistika industrije, građevinarstva i energije**

#### **Statistika industrije**

Provedena istraživanja u industriji u 2012. godini su: Mjesečni izvještaj industrije IND-1 (broj izvještajnih jedinica 600, godišnje 7.200) i Godišnji izvještaj industrije IND-21/PRODCOM ( broj izvještajnih jedinica 681).

Izvještajne jedinice za prikupljanje Mjesečnog izvještaja industrije IND-1 su preduzeća sa 10 i više uposlenih. Ovim istraživanjem prikupljaju se podaci o ostvarenoj mjesečnoj proizvodnji, zalihama i prodaji industrijskih proizvoda količinski i vrijednosno. Na osnovu podataka Mjesečnog izvještaja industrije izračunava se Indeks fizičkog obima industrijske proizvodnje koji se objavljuje na web stranici Zavoda u vidu Saopštenja, u biltenu „Mjesečni statsitčki pregled F BiH“, i Statističkom godišnjaku. U toku 2012. godine, na našoj web stranici, u vidu Saopštenja kvartalno su objavljivani podaci o ostvarenoj industrijskoj proizvodnji u FBiH količinski i vrijednosno.

U okviru GIZ projekta realizirane su aktivnosti preračuna Indeksa industrijske proizvodnje (backcasting) prema novoj KD BiH 2010, i preračunate su mjesečne vremenske serije od 2009. - 2012. godine. Također je izračunata nova bazna godina na osnovu IND-21/Prodcom istraživanja za 2010. godinu, kao i struktura dodane vrijednosti na osnovu SBS istraživanja za 2010. godinu, na osnovu koje se računaju indeksi industrijske proizvodnje za 2013. godinu.

Istraživanje Godišnji izvještaj industrije IND-21/PRODCOM za 2011. godinu provedeno je na temelju Nomenklature industrijskih proizvoda (NIP BiH

2010.) i podaci su prikupljeni od 671 izvještajne jedinice. Ovim istraživanjem prikupljaju se podaci o ostvarenoj proizvodnji, zalihama i prodaji industrijskih proizvoda količinski i vrijednosno, kao i o prodaji na stranom tržištu.

Po završetku obrade podataka godišnjeg IND-21/PRODCOM istraživanja urađen je Bilten industrijske proizvodnje za 2011. godinu, koji je objavljen u skladu sa planom publikovanja.

## Statistika građevinarstva

Provedena istraživanja u građevinarstvu u 2012. godini su:

- Mjesečni izvještaj građevinarstva GRAĐ-21, (broj izvještajnih jedinica - 256, godišnje 3072)
- Tromjesečni izvještaj o radovima u inostranstvu GRAĐ-33 (broj izvještajnih jedinica - 25, godišnje 100)
- Tromjesečno statističko istraživanje za građevinarstvo K KPS GRAĐ 01 (broj izvještajnih jedinica - 309, godišnje 1236)
- Polugodišnji izvještaj o cijenama novih stanova GRAĐ-41 (broj izvještajnih jedinica - 18, godišnje 36)
- Godišnji izvještaj za građevinske objekte GRAĐ-11 (broj izvještajnih jedinica - 261)
- Mjesečni izvještaj o izdatim odobrenjima za građenje Građ-OG-Pilot istraživanje

Izvještajne jedinice za prikupljnje Mjesečnog izvještaja građevinarstva GRAĐ-21 su preduzeća sa 10 i više uposlenih. Ovim istraživanjem prikupljaju se podaci o vrijednosti ugovorenih radova, vrijednosti izvršenih radova, efektivnim satima rada i broju zaposlenih. Na osnovu podataka Mjesečnog izvještaja građevinarstva GRAĐ-21, izračunava se Indeks fizičkog obima građevinarstva. Istraživanjem Tromjesečni izvještaj o radovima u inostranstvu GRAĐ-33, prikupljaju se podaci o ugovorenim i izvršenim građevinskim radovima u inostranstvu, zaposlenima, po zemljama i vrstama radova. Istraživanjem Tromjesečno statističko istraživanje za građevinarstvo K KPS GRAĐ-01 prikupljaju se podaci o prihodu od prodaje, plaćanju podizvođačima, broju zaposlenih, plaćama, odrađenim satima i zalihama. Cilj istraživanja je izračun tromjesečnog indeksa fizičkog obima građevinskih radova, kao i izračun finansijskih pokazatelja za kvartalne nacionalne račune.

Istraživanjem Polugodišnji izvještaj o cijenama novih stanova GRAĐ-41, prikupljaju se podaci o cijenama novoizgrađenih stanova, cijenama stanova u izgradnji, cijeni zemljišta, troškovima gradnje i ostalim troškovima.

Godišnji izvještaj za građevinske objekte GRAĐ-11, ovim istraživanjem prikupljaju se podaci o izgrađenim građevinskim objektima prema Klasifikaciji vrsta građevinskih objekata (CC).

Svi rokovi za slanje, prikupljane, obradu i publikovanje podataka za provedena istraživanja su ispoštovani i podaci su objavljeni na web stranici Zavoda u vidu Saopštenja, u Mjesečnom i tematskom biltenu „Građevinarstvo F BiH“ i Statističkom godišnjaku.

U okviru IPA 2008, kroz planirane misije sa stranim ekspertima (iz Italije i Danske) rađeno je na pokretanju novog statističkog istraživanja iz oblasti građevinarstva Mjesečni izvještaj o izdatim odobrenjima za građenje Građ-OG. Ovim istraživanjem bi se obezbjedili podaci za izračun tri varijable kratkoročnih statistika (STS) prema EU regulativi. Pilot istraživanje je provedeno u augustu 2012. godine i podaci su prikupljeni od 79 općina u FBiH.

## Statistika energetike

Provedena istraživanja iz oblasti energetike u 2012. godini su:

- Godišnji izvještaja o utrošku energenata, EN-IND-G (broj izvještajnih jedinica - 681)
- Godišnji izvještaj o proizvodnji i potrošnji električne energije (EN-E1-G), (EN-E2-G) i (EN-E4-G) (broj izvještajnih jedinica - 11)
- Godišnji izvještaj o proizvodnji i potrošnji toplotne energije EN-T1-G (broj izvještajnih jedinica - 14)
- Godišnji izvještaj o proizvodnji i potrošnji uglja EN-U1-G (broj izvještajnih jedinica - 14)
- Godišnji izvještaj o trgovini uglja EN-U2-G (broj izvještajnih jedin. - 5)
- Godišnji izvještaj o snabdijevanju prirodnim plinom EP-P-G (broj izvještajnih jedinica - 1)
- Godišnji izvještaj o snabdijevanju prirodnim plinom EP-P1-G (broj izvještajnih jedinica - 4)
- Godišnji izvještaj o trgovini naftnim proizvodima EN-NT-G (broj izvještajnih jedinica - 11)

Ovim istraživanjima prikupljaju se podaci o proizvodnji, uvozu, izvozu, trgovini, razmjeni između entiteta i krajnjoj potrošnji po različitim oblastima, svih gore navedenih energenata.

Svi rokovi za slanje, prikupljanje, obradu i publikovanje podataka za navedena istraživanja su ispoštovani i podaci su objavljeni na našoj web stranici u vidu Saopštenja i u Statističkom godišnjaku. Takođe, ispoštovane su i obaveze prema Agenciji za statistiku BiH, kao i ostale obaveze prema korisnicima naših podataka.

### 1.3. Strukturno poslovno statističko istraživanje

Za godišnje strukturno poslovno statističko istraživanje (SPS), uz korištenje statističkog poslovnog registra urađen je uzorak od 6.748 poslovnih subjekata za Federaciju BiH.

Za Industriju - područje B „Vađenje ruda i kamena“, područje C „Prerađivačka industrija“, područje D „Proizvodnja i snabdjevanje električnom energijom, plinom parom i klimatizacija“, područje E „Snabdjevanje vodom; uklanjanje otpadnih voda, gospodarenje otpadom te djelatnosti sanacije okoliša“ (broj izvještajnih jedinica 1.816). Za Građevinarstvo – područje F (broj izvještajnih jedinica 708). Za Trgovinu na veliko i na malo; popravak motornih vozila i motocikala - područje G (broj izvještajnih jedinica 2.725). Za Usluge: Prijevoz i skladištenje - područje H, područje I „Djelatnosti pružanja smještaja te pripreme i usluživanja hrane / hotelijerstvo i ugostiteljstvo“, područje J „Informacije i komunikacije“, područje L „Poslovanje nekretninama, iznajmljivanje i poslovne djelatnosti“, iz područja M „Stručne, naučne i tehničke djelatnosti“, iz područja N „Administrativne i pomoćne uslužne djelatnosti“, iz područja S „Ostale uslužne djelatnosti“ oblasti 95 i 96 (broj izvještajnih jedinica 1.499).

Na temelju raspoloživih statističkih podataka, koje su izvještajne jedinice dostavile Zavodu, prema Planu provođenja statističkih istraživanja za 2012. godinu, urađeno je i objavljeno na web stranici Zavoda prvo saopćenje Strukturno poslovnih statistika za 2011. godinu, varijable i indikatori za preduzeća za referentnu 2011. godinu. Svi rokovi za štampanje, slanje,

prikupljane i obradu podataka za provedeno istraživanje su ispoštovani. Takođe, ispoštovane su i obaveze prema Agenciji za statistiku BiH.

## **1.4. Statistika usluga i vanjske trgovine**

### **Statistika unutarnje trgovine**

Statistička aktivnost Mjesečni izvještaj trgovine na malo (TRG-1) u potpunosti je izvršena u skladu s godišnjim Planom. Ovim statističkim istraživanjem obuhvaćeno je mjesečno cca 1.890 preduzeća, na bazi ciljanog (namjernog) uzorka. Jedinice posmatranja su preduzeća čija je glavna djelatnost trgovina na malo kao i preduzeća čija je glavna djelatnost izvan trgovine na malo, ali koja imaju jedinice po vrsti djelatnosti koje se bave trgovinom na malo.

Statistička aktivnost Tromjesečni izvještaj distributivne trgovine za pravne osobe (TRG-2) je u potpunosti i na vrijeme izvršena u skladu s godišnjim Planom za 2012. godinu. Podaci su prikupljeni kvartalno od cca 2.300 preduzeća čija je glavna djelatnost neka od djelatnosti distributivne trgovine (područje G KD BiH 2010), kao i preduzeća čija je glavna djelatnost izvan trgovine, ali koja imaju jedinice po vrsti djelatnosti koje se bave trgovinom. Statistička aktivnost Godišnji izvještaj o domaćim sajmovima izvršena je prema Planu. Jedinica posmatranja je svaki organizirani sajam koji se održava na području Federacije BiH i koji ima komercijalni karakter. U 2012. godini obuhvaćena su ukupno 33 sajma.

U okviru tekućih aktivnosti izvršena je metodološka priprema i redizajn obrazaca za statistička istraživanja iz područja trgovine na malo i distributivne trgovine za 2013. godinu. Zbog prelaska na novu KD BiH 2010 bilo je neophodno izvršiti preračunavanje, tzv. back-casting za ranije objavljivane podatke. Back-casting je urađen za vremensku seriju podataka trgovine na malo i distributivne trgovine i to za period 2005. – 2011. godinu.

### **Statistika vanjske trgovine**

Statistička aktivnost koja se odnosi na proizvodnju detaljnih statističkih podataka o robnoj razmjeni Federacije BiH s inostranstvom izvršena je u potpunosti i na vrijeme, tj. u skladu s Planom. Publiciranje glavnih agregata izvršeno je u mjesečnoj periodici u obliku Saopćenja na web stranici Zavoda i u biltenu „Mjesečni statistički pregled Federacije BiH”, a detaljnih godišnjih podataka u Statističkom godišnjaku/ljetopisu. Kontinuirano je rađena obrada statističkih podataka o vanjsko-trgovinskim transakcijama Federacije BiH u skladu sa zahtjevima korisnika naših podataka.

Vezano za statističku aktivnost Proizvodnja indeksa izvoznih i uvoznih cijena – probno je kreirana procedura proizvodnje jediničnih vrijednosti izvoza i uvoza u obliku lančanih indeksa (tekuća godina u odnosu na 2011. godinu).

Na žalost, ni tokom 2012. godine nije došlo do poboljšanja suradnje s Upravom za indirektno oporezivanje. Nedostupnost ID brojeva u bazi podataka Jedinstvenih carinskih isprava predstavlja najveći problem za statistiku vanjske trgovine.

## Statistika turizma i ugostiteljstva

Statistička aktivnost Mjesečni izvještaj o dolascima i noćenjima turista (TU-11) izvršena je u skladu s Planom za 2012. Podaci o broju dolazaka i noćenja domaćih i stranih turista, te o smještajnim kapacitetima su prikupljeni od cca 230 poslovnih subjekata, pravnih i fizičkih osoba i domaćinstava koji su prema glavnoj djelatnosti registrirani u području I, oblast 55 – „Smještaj” (KD BiH 2010), kao i poslovnih subjekata registriranih u drugim djelatnostima, koji se bave pružanjem usluge smještaja gostima.

Statistička aktivnost Tromjesečni izvještaj ugostiteljstva za pravne osobe (UG-11) izvršena je u skladu s Planom za 2012. Podaci su prikupljeni kvartalno od cca 500 preduzeća čija je glavna djelatnost neka od djelatnosti KD BiH 2010 iz područja I „Hotelijerstvo i ugostiteljstvo”, kao i preduzeća čija je glavna djelatnost izvan navedenog, ali koja imaju jedinice po vrsti djelatnosti koje se bave pružanjem usluga smještaja te pripreme i usluživanja hrane i pića.

## Statistika transporta i skladištenja

U okviru ove teme provodi se šesnaest statističkih istraživanja vezano za sljedeće module: kretanje putnika, kopneni transport robe, željeznički transport, zračni transport, statistika poštanskih usluga, statistika transportne sigurnosti, te transportni informacijski sistem. Jedinice posmatranja su preduzeća čija je glavna djelatnost prema KD BiH 2010 neka od djelatnosti iz područja H – „Prijevoz i skladištenje”, osim oblasti 53 „Poštanske i kurirske djelatnosti”. Sva dolje nabrojena statistička istraživanja provode se na bazi punog obuhvata osim istraživanja Kvartalnih indikatora u transportu i skladištenju, koje se provodi na bazi slučajnog stratificiranog uzorka:

- Tromjesečni izvještaj o cestovnom prijevozu putnika (89 izvještajnih jedinica)
- Godišnji izvještaj o cestovnom prijevozu putnika (89 izvještajnih jedinica)
- Tromjesečni izvještaj o gradsko-prigradskom prijevozu (37 izvještajnih jedinica)
- Godišnji izvještaj o gradsko-prigradskom prijevozu (37 izvještajnih jedinica)
- Tromjesečni izvještaj o cestovnom prijevozu robe (187 izvještajnih jedinica)
- Godišnji izvještaj o cestovnom prijevozu robe (187 izvještajnih jedinica)
- Tromjesečni izvještaj o željezničkom prijevozu (1 izvještajna jedinica)
- Godišnji izvještaj o željezničkom prijevozu (1 izvještajna jedinica)
- Tromjesečni izvještaj o aerodromskim uslugama (3 izvještajne jedinice)
- Godišnji izvještaj o aerodromskim uslugama (3 izvještajne jedinice)
- Tromjesečni izvještaj o zračnom prijevozu (1 izvještajna jedinica)
- Godišnji izvještaj o zračnom prijevozu (1 izvještajna jedinica)
- Kvartalni indikatori u transportu i skladištenju (362 izvještajne jedinice)
- Godišnji izvještaj o prometnim nesrećama na cestama (89 izvještajnih jedinica)
- Godišnji izvještaj o cestama i mostovima (11 izvještajnih jedinica)
- Godišnji izvještaj o registriranim cestovnim vozilima (89 izvještajnih jedinica)

Sve navedene statističke aktivnosti u potpunosti su izvršene prema Planu za 2012. godinu. Izuzetak je statistička aktivnost Kvartalni indikatori u transportu i skladištenju, koja je izvršena uz dosta teškoća i problema, a najznačajniji problem pojavio se u vezi izrade IT aplikacije u okviru zajedničke IT platforme, čija izrada je bila u nadležnosti Agencije za statistiku Bosne i Hercegovine, a Zavod je samo korisnik iste. Unos podataka je završen na vrijeme, ali je došlo do pomjeranja rokova objave prvih rezultata na web stranici Zavoda za IV tromjesečje 2010. godine, te I, II i III tromjesečje 2011. i 2012. godine, pošto segment kratkoročnih statistika (STS) aplikacije za obradu i objavu podataka nije u potpunosti finaliziran do kraja 2012. godine.

## **Statistika komunikacija**

U okviru ove oblasti provedene su sljedeće kvartalne i godišnje statističke aktivnosti:

- Tromjesečni izvještaj o poštanskim i kurirskim uslugama (4 izvještajne jedinice)
- Godišnji izvještaj o poštanskoj i kurirskoj opremi, mreži i uslugama (4 izvještajne jedinice)
- Tromjesečni izvještaj o telekomunikacijama (2 izvještajne jedinice)
- Godišnji izvještaj o telekomunikacijskoj opremi, mreži i uslugama (2 izvještajne jedinice)

Jedinice posmatranja za navedene aktivnosti su poslovni subjekti registrirani u djelatnosti pružanja univerzalnih poštanskih usluga, kao i ostalih poštanskih i kurirskih usluga, kao i poslovni subjekti za obavljanje djelatnosti žičane i bežične telekomunikacije i ostalih telekomunikacijskih djelatnosti.

### **1.5. Poslovni statistički registar i ekonomske klasifikacije**

Aktivnosti na razvoju i ažuriranju Statističkog poslovnog registra (SPR-a) provode se kontinuirano. Tromjesečno se preuzimaju podaci iz Registra poslovnih subjekata na osnovu kojih se ažurira SPR. Nakon toga se radi obavezna ručna korekcija. Posebno se provodi ažuriranje SPR-a na osnovu povratnih informacija iz statističkih istraživanja.

Podaci o statusu aktivnosti statističkih jedinica u SPR-u ažuriraju se na osnovu više dostupnih izvora, odnosno izvještaja o godišnjem poslovanju, statusu transakcijskih računa, direktnom komunikacijom sa poslovnim subjektima, kao i uvidom u podatke o registraciji objavljene od strane ministarstava, sudova i općina. Urađena je posebna analiza i ažuriranje statističkih jedinica u SPR-u na osnovu informacija o pretežnoj djelatnosti iz Statističkog aneksa godišnjeg računovodstvenog izvještaja za 2011. godinu.

Na osnovu informacija dobivenih kroz Posebno istraživanje za provjeru i popravku kvaliteta SPR-a provedenog u periodu juni-septembar 2012. godine, izvršeno je ažuriranje podataka o glavnoj djelatnosti i statusu (ne)aktivnosti statističkih jedinica (preduzeća) u SPR-u.

Omogućeno je korištenje Statističkog poslovnog registra (SPR-a) kao osnovnog okvira za planiranje i provođenje statističkih istraživanja i izbor jedinica uzorka. Aktivno se učestvovalo u pripremi i izradi okvira iz SPR-a za redovna i pilot statistička istraživanja i vršila se korekcije na istim u saglasnosti sa predmetnim metodolozima, vršila se priprema i provođenje Posebnog

istraživanja za provjeru i popravku kvalitet SPR-a planiranog kroz Twinning program IPA 2008.

Registar poslovnih subjekata (administrativni registar) je evidencija poslovnih subjekata i njihovih dijelova razvrstanih prema djelatnosti u skladu sa Klasifikacijom djelatnosti. Registar poslovnih subjekata zajednički vode Zavod i Porezna uprava Federacije BiH. Postoji VPN komunikacija između službi/ureda FZS i PU Federacije BiH. Podaci iz Registra predstavljaju jedan od osnovnih izvora za punjenje i ažuriranje Statističkog poslovnog registra. Vrsta i obim podataka koji se mogu davati, korisnici kojima su ti podaci dostupni, način korištenja podataka kao i sva druga pitanja koja se odnose na njihovo ustupanje regulisana su Pravilnikom o korištenju podataka Registra poslovnih subjekata. Vršilo se kontinuirano usklađivanje sa pravnom regulativom Metodološkim uputstvom za vođenje, održavanje i korištenje Registra poslovnih subjekata. Korišteni su se podaci o stečaju/likvidaciji i brisanju poslovnih subjekata koji su objavljeni u Službenim novinama Federacije BiH u 2012. godini, za ažuriranje statusa aktivnosti u SPR-u. Vršilo se izdvajanje i obrade podataka iz administrativnog Registra poslovnih subjekata prema zahtjevima trećih lica.

## **1.6. GIS i registar prostornih jedinica**

U okviru priprema kartografske dokumentacije za provođenje Popisa stanovništva, domaćinstava i stanova, uspješno je proveden projekat „Vektorizacija granica prostornih jedinica, ažuriranje granica prostornih jedinica, formiranje i ažuriranje evidencije ulica i kućnih brojeva, izrada BP RPJ (baza podataka registra prostornih jedinica), izrada, priprema za štampu i štampa skica statističkih i popisnih krugova i izrada, priprema za štampu i štampa preglednih karata”. Provedena je tenderska procedura (učešće u pripremi Tenderske dokumentacije, izbor najpovoljnijeg ponuđača, pripreme Ugovora). Izabran je konzorcij dvije firme sa četiri podizvođača. Održavani su redovni sastanci sa izvođačima, kao i posjete firmama učesnicima u projektu. U saradnji sa izvođačima radova, predstavnicima Federalne uprave za geodetske i imovinsko-pravne poslove i menadžmentom Zavoda, održavani su sedmični sastanci na kojima se pratila dinamika radova i po potrebi revidirao dinamički plan rada. Izvršena je provjera spiska naseljenih mjesta i mjesnih zajednica za potrebe provođenja Popisa stanovništva, domaćinstava i stanova 2013. godine za općine, naseljena mjesta i mjesne zajednice (matični broj i naziv) putem općinskih službi. Pripremljeni su podaci i dokumentacija o kantonima, općinama, naseljenim mjestima, mjesnim zajednicama, statističkim i popisnim krugovima. Podaci su alfa-numeričkog karaktera. Numerički podaci su: matični brojevi općina, naseljenih mjesta, statističkih i popisnih krugova; a alfa podaci su: nazivi kantona, općina, naseljenih mjesta, mjesnih zajednica i ulica u FBiH. Pripremljen je dizajn baze podataka koji će biti osnova za nadogradnju registra prostornih jedinica i GIS-a, a spajanje svih podataka ima za cilj formiranje centralizovanog informacionog sistema baze podataka. Ažuriranje ulaznih podataka za bazu vršilo se u kontinuiranoj saradnji sa općinama FBiH, te se za iste se vršila i provjera podataka.

U okviru Probnog popisa, u saradnji sa Nadzornim timom i načelnicima odjeljenja/službi Zavoda izvršena je kontrola svih popisnih krugova (za Probni popis) na terenu. Kontinuirano je vršeno pregledanje skica statističkih i popisnih krugova, pregledanje vektorizovanih fajlova i ostalog materijala, konstatovanje /

evidentiranje grešaka i obavještanje izvođača o istim. Pregledao se prvi print i obavješteni su izvođači o uočenim propustima.

U aktivnosti pripreme u organizaciji i provođenju Popisa stanovništva, domaćinstava i stanova u BiH 2013. godini., uposlenici odsjeka su aktivno učestvovali u svim fazama. Prisustvovali su sastancima Popisnog biroa i misijama, koje su se održavale u sklopu priprema i provođenja Popisa

U okviru Radne grupe za kartografiju, a čiji mandat traje dok se na završe aktivnosti na Popisu, redovno su učestvovala dva predstavnika Zavoda i imali su aktivno učešće i redovno izvještavali o aktivnostima na izradi kartografske dokumentacije. Prisustvovali su i obukama za Probni popis.

Tekući poslovi su se odnosili na saradnju sa Federalnim ministarstvom prostornog uređenja vezano za obrazac pripreme Uredbe o sadržaju i nosiocima jedinstvenog informacionog sistema i metodologiji prikupljanja i obradi podataka, te jedinstvenim obrascima na kojima se vode evidencije. U skladu sa Uredbom o jedinstvenoj metodologiji za procjenu štete od prirodnih i drugih nesreća urađene su kopije skica statističkih krugova za općinu Zenica, Novi Grad Sarajevo, Centar, itd. Rješavali su se zahtjevi za potrebe vanjskih korisnika (državne, federalne, općinske vlasti, javna preduzeća...). Po planu publikovanja u mjesecu martu objavljena je Metodologija za uvođenje i vođenje jedinstvene evidencije i jedinstvenog registra prostornih jedinica FBiH i Tehničko upustvo za izradu dokumenata statističkih i popisnih krugova. Izvršena je distribucija Metodologije i Tehničkog upustva u 79 općina u Federaciji BiH, u saradnji sa načelnicima službi/odjeljenja Zavoda.

## **2. Statistika stanovništva i društvene statistike**

### **2.1. Statistika stanovništva i registar**

Vitalna statistika - Statistika rođenih (DEM-1) - izvještajne jedinice su matični i mjesni uredi u općini, broj izvještajnih jedinica 360, broj jedinica posmatranja (izvještaja) 22.000. Kao rezultat su se dobili pokazatelji o broju živorođenih i mrtvorodenih, prirodnom priraštaju, vitalnom indeksu, i sl.

Vitalna statistika - Statistika umrlih osoba (DEM-2) - izvještajne jedinice su matični i mjesni uredi u općini, broj izvještajnih jedinica je 360, broj jedinica posmatranja (izvještaja) je 21.000. Kao rezultat su se dobili pokazatelji o broju i strukturi umrlih osoba, prirodni priraštaj, stopa prirodnog priraštaja, opća stopa smrtnosti, podaci o uzroku smrti, uzroku nasilnih smrti, smrtnost dojenčadi, stopa smrtnosti dojenčadi, prosječna starost umrlih.

Vitalna statistika - Statistika sklopljenih brakova (DEM-3) - izvještajne jedinice su matični i mjesni uredi u općini, broj izvještajnih jedinica je 360, broj jedinica posmatranja (izvještaja) je 13.000. Kao rezultat su se dobili pokazatelji o broju sklopljenih brakova prema obilježjima mladoženje i nevjeste, stopa sklopljenih brakova, prosječna starost pri sklapanju braka, i sl.

Vitalna statistika - Statistika razvedenih brakova (RB-1) - izvještajne jedinice su općinski sudovi, broj izvještajnih jedinica je 70, broj jedinica posmatranja (izvještaja) je 1.300. Kao rezultat su se dobili pokazatelji o broju razvedenih brakova prema obilježjima muža i žene, stopa razvedenih brakova, prosječna starost pri razvodu braka muža i žene.

Vitalna statistika - Mjesečni pregled upisa u matične knjige (DEM-4) - izvještajne jedinice su matični i mjesni uredi u općini, broj izvještajnih jedinica je 360, broj jedinica posmatranja (izvještaja) je 360. Ovi podaci služe za kontrolu



obuhvata registrovanih rođenja, smrti i sklopljenih brakova.

Vitalna statistika - Mjesečni pregled vitalnih događaja (DEM-5) - izvještajne jedinice su matični i mjesni uredi u općini, broj izvještajnih jedinica je 360, broj jedinica posmatranja (izvještaja) je 4.500 mjesečno (DEM1, DEM2, DEM3 i RB1).

Popis stanovništva, domaćinstava i stanova. U toku 2012. godine izvršene su pripreme za provođenje Probnog popisa stanovništva, domaćinstava i stanova, u okviru kojih su definisani popisni obrasci, metodološka uputstva za organizaciju i provođenje Probnog popisa. Pripremljena je kartografska dokumentacija za popisne krugove u Federaciji BiH, u kojima je planirano provođenje Probnog popisa, kao i druge aktivnosti neophodne za realizaciju istog. U periodu od 15. – 29. oktobra 2012. godine u BiH je proveden Probni popis stanovništva, domaćinstava i stanova. Probni popis je proveden je na malom broju popisnih krugova (ukupno 60 popisnih krugova), a cilj provođenja probnog popisa bio je provjera kvaliteta skica popisnih krugova, sadržaja popisnih obrazaca, definicija jedinica popisa, jasnoće i obima metodoloških uputstava, organizacionih postavki koje se planiraju za opšti popis, kvaliteta rada popisivača i drugog osoblja koje će biti uključeno u provođenje popisa. Nakon provjera na terenu, probnim popisom se izvršila i provjera programa unosa, kontrole i obrade velikog broja podataka popisa, provjera kvaliteta svih klasifikacija koje se kao standardi koriste u obradi podataka, kao i provjera tabeliranja podataka. Na osnovu zapažanja i uočenih nedostataka u bilo kojoj od navedenih faza rada, izvršene su neophodne korekcije i pristupilo se finalnim pripremama za provođenje Popisa stanovništva. Nakon provedenog Probnog popisa urađena je detaljna analiza rezultata dobivenih Probnim popisom, i provedena je i Postpopisna anketa. U toku izvještajnog perioda intezivno su vršene pripreme dokumentacije za Popis stanovništva u saradnji sa Federalnom upravom za geodetske i imovinsko- pravne poslove.

U toku 2012. godine vršene su intezivne pripreme za provođenje Popisa stanovništva, koji je planirano da se provede u 2013. godini. U okviru ove aktivnosti rad se odvijao kroz angažman predstavnika Zavoda u Centralnom popisnom birou, koji je imenovan Odlukom Vijeća ministara BiH, zatim kroz rad Popisnog biroa Zavoda, te rad u radnim grupama koje su zadužene za različite segmente priprema za Popis.

Procjene broja stanovnika. Sadržaj ove statističke aktivnosti su procjene broja stanovnika prisutnih na teritoriji Federacije BiH po starosti i spolu. Elementi koji se uzimaju u obzir prilikom izrade procjena su svi raspoloživi izvori podataka: podaci vitalne statistike, evidencije prebivališta/boravišta, broj registrovanih glasača prema posljednim izborima i drugi podaci.

Statistika preseljenja stanovništva (unutrašnje migracije). Izvještajna jedinica za ovu aktivnost je Agencija za identifikacione dokumente, evidenciju i razmjenu podataka BIH, a rezultat ovog istraživanja su podaci o broju migranata u okviru Federacije BiH prema području doseljenja/odseljenja, saldo migracije po kantonima i općinama, struktura migracije po općinama, kantonima, starosna i polna struktura. Zavod je učestvovao je u definisanju metodologije za provođenje istraživanja o vanjskim migracijama u skladu sa EU standardima i preporukama kroz projekat MDG-F u okviru YERP – Youth Employability and Retention Programme (Program zapošljavanja i zadržavanja mladih u Bosni i Hercegovini).

## 2.2. Statistika tržišta rada

Putem mjesečnog istraživanja Rad-1 prikupljaju se podaci o broju zaposlenih, mjesečnim isplaćenim neto i bruto plaćama u FBiH, kao i podaci o ostalim primanjima zaposlenih i plaćenim satima rada. Podaci se prikupljaju od pravnih lica čije je sjedište na teritoriji FBiH, i koje zapošljavaju 10 i više zaposlenih. Mjesečni obuhvat Rad-1 istraživanja je cca 5.500 osnovnih subjekata koje posluju na teritoriji FBiH. Ukupan mjesečni obuhvat sa jedinicama u sastavu je cca 7.500. Godišnji obuhvat je cca 66.000 osnovnih subjekata (pravnih lica).

Putem istraživanja Rad-1G prikupljaju se podaci o broju zaposlenih, prema strukturama (kvalifikaciona, starosna, prema intervalima plaća, vrsti i dužini radnog vremena), kao i podaci o prosječnim isplaćenim plaćama prema kvalifikacijama. Podaci se prikupljaju od pravnih lica čije je sjedište na teritoriji FBiH, i koja zapošljavaju 10 i više zaposlenih. Obuhvat Rad-1G istraživanja je cca 5.500 osnovnih subjekata koji posluju na teritoriji FBiH.

Putem istraživanja Rad-15 prikupljaju se podaci o broju vlasnika i broju zaposlenih u obrtu i slobodnim profesijama na teritoriji Federacije BiH. Podaci se preuzimaju iz evidencija Porezne uprave Federacije BiH.

Također, tokom 2012. godine su preuzimani i publikovani mjesečni podaci od: Federalnog zavoda za zapošljavanje - o broju i strukturi nezaposlenih osoba na području Federacije BiH i Federalnog zavoda PIO/MIO - o prosječnim isplaćenim penzijama i broju penzionera na području Federacije BiH.

U toku 2012. godine je izvršeno preračunavanje podataka od 2008. godine prema klasifikaciji djelatnosti KD 2010.

Provedena je Anketa radne snage 2012. Referentna sedmica za ovu anketu je bila u periodu od 09.04. do 15.04.2012. godine i prethodila je periodu terenskog rada, odnosno anketiranja. Anketa radne snage provedena je sedmi put u 2012. godini, a jedinice posmatranja su domaćinstva koja se biraju putem uzorka. Metodološke postavke ankete su zasnovane na preporukama i definicijama Medunarodne organizacije rada (International Labour Organization - ILO) i zahtjevima Statistické kancelarije EU (European Statistical Office - EUROSTAT), čime je obezbijeđena međunarodna uporedivost podataka u oblasti statistike rada. Putem ove ankete prikupljaju se podaci o osnovnim karakteristikama radno sposobnog stanovništva, na osnovu kojih se vrši procjena ukupne radne snage u zemlji, kao i podaci o demografskim, obrazovnim, socio-ekonomskim i drugim karakteristikama stanovništva. Ovim istraživanjem se obezbjeđuju podaci o tri osnovna kontigenta stanovništva: zaposleni, nezaposleni i neaktivni, što omogućava izračunavanje stope zaposlenosti, nezaposlenosti, aktivnosti o mnogih drugih pokazatelja o tržištu rada. Anketa je, u 2012. godini, provedena na uzorku od 5994 domaćinstva na teritoriji FBiH.

Za Anketu troškova rada koja je provedena u 2010. godini, urađen je Izvještaj o kvalitetu prema EU regulativi i u završnoj fazi je priprema tabela prema zahtjevima Eurostata za nivo FBiH. Za Anketu o troškovima rada 2012., koja će se provesti u jesen 2013. godine, počela je priprema instrumentarija (obrazac, uputstvo, zahtjevi za izbor uzorka i izračun varijabli itd.).

Svi rokovi za prikupljanje, obradu, publikovanje i dostavljanje podataka su ispoštovani.

## 2.3. Statistika razvoja društva

### Statistika obrazovanja

Predškolsko obrazovanje - prikupljeni su podaci o broju i vrsti predškolskih ustanova, broju djece i broju zaposlenih, godišnjim izvještajem sa stanjem 30. septembar. Broj jedinica posmatranja je 140 (obdaništa i jaslice), a istraživanjem se prikupljaju podaci o broju ustanova razvrstane na javne i privatne, broju djece prema spolu, godini rođenja, zaposlenosti roditelja kao i o zaposlenim u tim ustanovama. Svi prikupljeni podaci su obrađeni i publikovani u biltenu.

Osnovno i srednje obrazovanje - jedinica posmatranja je svaka redovna osnovna škola koja radi, osnovna škola sa posebnim potrebama i svako odjeljenje koje je formirano pri redovnoj školi, kao i osnovno muzičko i baletsko obrazovanje, broj jedinica posmatranja je 1121. Jedinica posmatranja su redovne i srednje škole sa posebnim potrebama broj jedinica posmatranja je 214.

Visoko obrazovanje - jedinice posmatranja su visokoškolske ustanove koje čine univerziteti i visoke škole. Univerzitet može imati organizacione jedinice: fakultete, akademije, visoke škole ili naučni instituti. Broj organizacionih jedinica je 110. Podaci o broju upisanih i diplomiranih studenata, magistara, doktora i nastavnog osoblja dobivaju se za svaku kaledarsku godinu. Aktivnosti koje su prevedene: unos, distribuciju, izmjene obrazaca i pripremu saopćenja, biltena, kodeksa za upisane, diplomirane studente, magistre i doktore nauka, nastavno osoblje; uvođenje novih obrazaca u oblast istraživanja visokog obrazovanja (ŠV-30, ŠV-40) i priprema godišnjaka iz oblasti visokog obrazovanja.

Naučno-istraživački rad - prikupljeni su podaci: za poslovni sektor (broj jedinica posmatranja je oko 154), za državni sektor (broj jedinica posmatranja je oko 143), za sektor visokog obrazovanja sektor (broj jedinica posmatranja je oko 102). Aktivnosti su bile priprema i distribucija obrazaca i analiza prikupljenih podataka iz oblasti naučno-istraživačkog rada.

### Statistika pravosuđa

Statistika pravosuđa bavi se prikupljanjem podataka o učiniteljima krivičnih dijela, a u 2012 god. su obuhvaćene i žrtve krivičnih dijela. Početkom godine završava se unos podataka za prethodnu godinu i postavlja aplikacija za tekuću godinu, jer se statistika pravosuđa unosi u kontinuitetu u toku cijele godine. Urađena je analiza podataka i publikovanje. Na kraju godine se vrši distribucija obrazaca za 2013. godnu. Statistički upitnici iz oblasti pravosuđa su: za punoljetnu osobu (SK-1, SK-2); za maloljetnu osobu (SK-3, SK-4) i privredni sporovi SPS-11. Izvještajne jedinice su: Sk-1 i Sk-3 - kantonalna tužilaštva /10 tužilaštava, Sk-2 i Sk-4 - općinski i kantonalni sudovi/kantonalnih sudova 10, općinskih sudovi 28 i SPS -11 - općinskih sudova 28.

Statistika izbora obuhvata sastav općinskih vijeća u FBiH izabrnim na općinskim izborima u 2012. godini, ali podaci će biti publikovani u 2013. godini. Statistički upitnik: obrazac /IZ-02/, općine u FBiH /78/.

## **Statistika kulture i socijalne zaštite**

U oblasti kulture, u toku 2012. godine, prikupljaju su se sljedeći podaci:

Za radio i televiziju prikupljaju se podaci o broju stanica, vrsti i porijeklu programa i zaposlenim. Radio ima 80 jedinica posmatranja, a televizija ima 27 jedinica posmatranja.

Pozorišta se prate po vrsti, broju predstava, vrsti izvedenih djela i zaposlenim, imaju 17 jedinica posmatranja. Za kina se prikupljaju podaci o predstavama, posjetiteljima i zaposlenim, ima 15 jedinica posmatranja. Za galerije se prate vrsta izložbe, izlagači, posjetitelji i zaposleni, ima 14 jedinica posmatranja.

Za sportske organizacije prikupljaju se podaci o broju članova po vrsti sporta i zaposlenim, ima 490 jedinica posmatranja. Za šahovske i lovačke organizacije prikupljaju se podaci o broju članova prema polu, uzrastu, kategorijama, ekonomskim grupama i zaposlenim, šahovske organizacije imaju 45 jedinica posmatranja, a lovačke organizacije imaju 73 jedinice posmatranja. Za sportske centre prikupljaju se podaci o vrsti objekta i zaposlenim, imaju 20 jedinica posmatranja. Svi prikupljeni podaci su obrađeni i publikovani u biltenu.

Socijalna zaštita obuhvata 110 jedinica posmatranja. Jedinice posmatranja su centri za socijalni rad, domovi za djecu i omladinu, ustanove za invalidnu djecu i omladinu, ustanove za maloljetnike društveno neprihvatljivog ponašanja, ustanove za odrasle invalidne osobe i ustanove za odrasle starije osobe. Istraživanjem se prikupljaju podaci o broju centara i domova, broju korisnika, vrsti usluga i oblicima razvrstano po starosti i kategorijama korisnika. Takođe se posmatraju i zaposleni u centrima odnosno domovima. Svi prikupljeni podaci su obrađeni i publikovani u godišnjem biltenu „Socijalna zaštita – skrb u Federaciji BiH“. Rađeno je i na projektu ESSPROS-a (rad na finalnom izvještaju, priprema šema, metodologije i uputstva).

## **Gender statistika**

Aktivnosti tokom 2012. godine odnosile su se na prikupljanje podataka, uvođenje novih tabela iz oblasti nasilja u porodici i tehnička izrada biltena „Žene i muškarci u FBiH“. Provedene aktivnosti rađene su u saradnji sa drugim institucijama koje su značajne za Gender istraživanje.

Osim redovnih aktivnosti provedeno je vanredno istraživanje o kvalitetu života i zdravlju žena u BiH, aktivnosti na provođenju Probnog popisa 2012. godine, kao i aktivnosti koje provode druge institucije prilikom kojih FZS samo administrativno preuzima podatke.

### **2.4. Statistika životnih uslova**

#### **Anketa o potrošnji domaćinstava**

U 2012. godini je završeno prikupljanje podataka o potrošnji domaćinstava u BiH u 2011. godini, rađena je analiza podataka i objava preliminarnih rezultata ankete na web-u. Anketom će se dobiti podaci o izdacima za potrošnju, potrošnji iz vlastite proizvodnje, prihodima i osnovnim socio-ekonomskim uslovima u kojim domaćinstva žive, podaci o životnom standardu

kao i podaci o osnovnim demografskim, ekonomskim i socijalnim karakteristikama domaćinstava. Anketa je proširena za module tipa EU-SILC ankete, što će osigurati podatke o prihodima domaćinstava i bazu za relevantnu analizu socijalne uključenosti u Bosni i Hercegovini.

### 3. Ekonomske statistike

#### 3.1. Statistika nacionalnih računa

Odsjek za statistiku nacionalnih računa uspješno je realizovao sve aktivnosti definisane Planom provođenja statističkih istraživanja od interesa za FBiH za 2012. godinu. Provedeno je osam istraživanja i prikupljeno 46.342 izvještaja, izvršena kontrola, unos i obrada, na osnovu čega je izvršen obračun Bruto domaćeg proizvoda (BDP) po proizvodnom pristupu u tekućim i stalnim cijenama, BDP-a po dohodovnom pristupu u tekućim cijenama i investicijama u stalna sredstva za FBiH za 2011. godinu. U toku 2012. godine provedena su sljedeća istraživanja:

- Statistički aneks godišnjeg računovodstvenog izvještaja (StatAneks) kojim su prikupljeni podaci (prihodi, rashodi, zalihe) od pravnih osoba koje knjigovodstvo vode po kontnom planu za preduzeća; podaci su prikupljeni za 19.841 preduzeće
- Godišnji obračun bruto vrijednosti proizvodnje i dodane vrijednosti poljoprivrede privatnog sektora bez pravnih osoba-poljoprivredna gazdinstva (DV-POLJ), kojim su od općina prikupljeni podaci o poljoprivrednoj proizvodnji domaćinstava na teritoriji općine; podaci su prikupljeni za 79 općina
- Godišnji obračun bruto vrijednosti proizvodnje i dodane vrijednosti fizičkih osoba koje samostalno obavljaju djelatnost (DV-DZ), kojim su prikupljeni agregirani podaci od Ispostava porezne uprave u općini za obrtnike na nivou odjeljka (Klasifikacija djelatnosti na dvije cifre); podaci su prikupljeni za 79 općina
- Godišnji izvještaj za obračun dodane vrijednosti za budžetske korisnike i vanbudžetske fondove-Godišnji računovodstveni iskazi ( Račun prihoda i rashoda, Bilans stanja, Iskaz o kapitalnim izdacima i finasiranju, Posebni podaci o plaćama i broju zaposlenih); podaci su prikupljeni za 1.409 budžetska korisnika
- Godišnji izvještaj za obračun dodane vrijednosti za udruženja i druge neprofitne organizacije - Godišnji računovodstveni iskazi (Bilans uspjeha i Posebni podaci o plaćama i broju zaposlenih); podaci su prikupljeni za 62 udruge i 2 neprofitna fonda
- Godišnji izvještaj banaka i drugih finansijskih organizacija (DV-B) kojim su prikupljeni podaci za 19 banaka
- Godišnji izvještaj osiguravajućih i reosiguravajućih društava (DV-OS) kojim su prikupljeni podaci za 15 osiguravajućih i reosiguravajućih društava
- Godišnji izvještaj o investicijama (INV-01), kojim su prikupljeni podaci o isplatama za investicije u stalna sredstva, ukupno ostvarenim investicijama i ostvarenim investicijama u nova stalna sredstva za sve vrste pravnih subjekata; izvještaji su prikupljeni za 24.870 pravnih subjekata, od kojih je 14.336 pravnih subjekata imalo investicije

Prikupljeni podaci su korišteni i kao inputi za obračun BDP-a prema rashodnom pristupu za nivo Bosne i Hercegovine (obračun rashodnog BDP-a je u nadležnosti Agencije za statistiku BiH).

Osim obračuna makroekonomskih agregata za 2011. godinu, kao redovnih tekućih aktivnosti, izvršena je i revizija ranije objavljenih podataka koji se odnose na BDP po proizvodnom pristupu za period 2000. - 2010. godina, u cilju obezbjeđivanja konzistentnosti u primjeni međunarodnih metodologija SNA 93 i ESA 95, čime je obezbijeđena desetogodišnja serija uporedivih podataka. Revizija je izvršena i za BDP po dohodovnom pristupu u tekućim cijenama za seriju 2005. - 2010. godina.

U okviru regionalnog projekta „Izgradnja kapaciteta za održivu kompilaciju statističkih podataka realnog sektora u Istočnoj Evropi” koji se realizuje u saradnji sa Međunarodnim monetarnim fondom, Odsjek za statistiku nacionalnih računa počeo je sa aktivnostima na obračunu kvartalnog BDP-a po proizvodnom pristupu za FBiH za period 2006. - 2011. godine u tekućim cijenama, cijenama prethodne godine i u cijenama 2005. godine.

Odsjek za statistiku nacionalnih računa Zavoda je učestvovao u ažuriranju metodološkog dokumenta „Opis izvora i metoda” u nefinansijskim nacionalnim računima za BiH u okviru „IPA 2009 Regionalnog višekorisničkog projekta”. Dokument je pripremljen prema okvirima i pravilima EUROSTAT-a, a učešće Zavoda se odnosilo na dio dokumenta koji se tiče obračuna BDP-a po proizvodnom pristupu u stalnim cijenama za FBiH.

Uporedo sa obradom podataka po KDBiH 2006, za 2011. godinu je izvršena i obrada podataka po KDBiH 2010.

Podaci statistike nacionalnih računa (BDP po proizvodnom i dohodovnom pristupu, investicije u stalna sredstva) su publikovani u vidu šest Saopćenja i dva Godišnja tematska biltena, u skladu sa rokovima utvrđenim Planom publikovanja.

### **3.2. Statistika cijena**

U skladu sa Planom, u okviru statistike cijena uspješno su provedene sve planirane aktivnosti putem mjesečnih statističkih istraživanja, a u cilju izrade najznačajnijih kratkoročnih indikatora iz oblasti statistike cijena.

Na osnovu cijena prikupljenih od proizvođača industrijskih proizvoda urađeni su mjesečni indeksi cijena proizvođača industrijskih proizvoda (PPI) koji se prodaju na domaćem tržištu. Putem obrasca C-41/dom, mjesečno se prikupljao 361 izvještaj od 240 izvještajnih jedinica. Cijene su se prikupljale za 382 proizvoda grupisanih po Nomenklaturi industrijskih proizvoda (NIP BiH 2006). Mjesečno se prikupljalo 1190 pojedinačnih cijena za te proizvode.

U toku 2012. godine, izvršen je preračun indeksa cijena proizvođača na domaćem tržištu i izrada ukupnog indeksa i indeksa cijena proizvođača industrijskih proizvoda na inostanom tržištu po Klasifikaciji djelatnosti (KD BiH 2010) prema kojoj se poslovni subjekti razvrstavaju u područja B,C,D i E i Nomenklaturi industrijskih proizvoda (NIP BiH 2010).

Za potrebe izrade indeksa potrošačkih cijena (CPI), kao indikatora inflacije, prikupljale su se cijene proizvoda i usluga lične potrošnje u 1297 prodajnih mjesta u Sarajevu, Tuzli, Zenici, Mostaru i Bihaću. Mjesečno se prikupljalo oko 10.000 pojedinačnih cijena. Cijene u prodajnim objektima snimaju ovlašteni uposlenici Zavoda.

Indeksi cijena proizvođača industrijskih proizvoda na domaćem tržištu (PPI) i indeksi potrošačkih cijena (CPI) svakog mjeseca su publikovani u vidu saopćenja na web stranici Zavoda, kao i u redovnom Mjesečnom statističkom pregledu FBiH u skladu sa rokovima publikovanja.

Iz podataka o kretanju cijena proizvođača industrijskih proizvoda (PPI) i potrošačkih cijena (CPI) urađeni su i koeficijenti rasta cijena koji se mjesečno objavljuju u Službenim novinama Federacije BiH.

Za potrebe proizvodnje PPI i CPI indikatora u mjesečnoj dinamici prema zajedničkoj metodologiji usvojenoj od strane sve tri statističke institucije u BiH i usklađenoj sa EU standardima i regulativama, omogućena je kompilacija ovih indeksa za nivo BiH.

### **III Administrativna i tehnička podrška**

#### **1. Publicistika i diseminacija**

*Odsjek za publicistiku* je u izvještajnom periodu izvršio sve aktivnosti predviđene Planom. U cilju pravovremenog informiranja domaćih i međunarodnih korisnika statističkih informacija, publikovan je veliki broj statističkih izdanja (Prilog 3). Sva statistička izdanja su pripremljena i objavljena na web stranici Zavoda. Paralelno s tim je vršena i štampa statističkih publikacija i distribucija korisnicima elektronskom poštom ili dostavom na kućnu adresu. Od aprila mjeseca 2012. godine pružamo informacije građanima BiH vezano za Popis stanovništva putem elektronske pošte: [popis2013@fzs.ba](mailto:popis2013@fzs.ba). Do kraja 2012. godine odgovoreno je na 336 upita vezanih za predstojeći popis stanovništva. U sklopu popisnih aktivnosti na web stranici Zavoda urađena je podstranica „Popis stanovništva“ koja sadrži informacije o probnom popisu, glavnom popisu, pravnoj regulativi, česta pitanja građana vezana za popis, te historijat popisa na tlu BiH. Također su započete pripreme na redizajniranju postojeće web stranice. Grupa za štampu i umnožavanje je u izvještajnom periodu uradila sve Planom predviđene aktivnosti

*Odsjek za odnose sa javnošću i biblioteku* je u izvještajnom periodu primio 316 korisničkih zahtjeva. Od ukupnog broja primljenih zahtjeva urađeno je i dostavljeno 293 ili 92,8%. Broj zahtjeva koje nismo bili u mogućnosti uraditi je 23 ili 7,2% (nismo raspolagali podacima ili se radilo o individualnim podacima). Uspostavljena je evidencija korisničkih zahtjeva, gdje se za svaki zahtjev prati vrsta korisnika, datum prijema zahtjeva, složenost zahtjeva, datum obrade i vrsta podataka. Takođe, svakodnevno su primani i odrađivani zahtjevi putem telefona, kojih je u prosjeku bilo pet do šest dnevno. Svi zahtjevi su urađeni u zakonom propisanom roku. Zahtjevi korisnika i odgovori na zahtjeve su vršeni putem e – maila 77% i 23% putem pošte. Redovni korisnici statističkih podataka su pravne i fizičke osobe u zemlji (vlade i druge državne institucije, banke, privredne komore, novinari, firme, udruženja, stranke, profesori, studenti i dr.) i inozemstvu (MMF, Svjetska banka, ambasade i dr.). Urađen je i preveden znatan broj dopisa i izvještaja, vršeno je lektorisanje materijala, praćenje bibliotečkih kretanja od interesa za statističku službu, obrada bibliotečke građe. Biblioteka je poluotvorenog tipa i u toku godine je preko stotinu vanjskih korisnika koristilo postojeću bibliotečku građu i pomoć zaposlenih.

*Grupa za štampu i umnožavanje* je realizovala sljedeće:

- Bilteni i uputstva (54 naslova, 8.997 primjeraka, 6.818 stranica A4, 698.015 otisaka u A3 formatu)
- Obrasci A3 (318.200 komada, 636.520 otisaka u A3 formatu)
- Obrasci A4 (450.399 komada, 900.798 otisaka u A4 formatu)
- Fotokopiranje materijala za koje se ne otvaraju radni nalozi (razne vrste knjiga-programi i planovi, službeni listovi, porezni savjetnici, materijali sa seminara, anketa, kurseva stranih jezika, informatike itd.) a sve za potrebe uposlenika Zavoda.
- Printanje A3 formata, uvezivanje spiralnog uveza za koje se ne otvaraju radni nalozi
- Povez i uvezivanje svih odštampanih biltena i uputstava
- Formatiziranje i razrezivanje papira iz formata A3 na određene formate štampanih obrazaca
- Povez i drugih knjiga i materijala za koje se ne otvaraju radni nalozi a za potrebe uposlenika Zavoda

## **2. Pravni, kadrovski, finansijsko-računovodstveni i opći poslovi**

Federalni zavod za statistiku je u toku 2012.godine pripremio Zakon o klasifikaciji zanimanja u Federaciji Bosne i Hercegovine, te proveo sve potrebne procedure koje su prethodile usvajanju ovog Zakona. Pripremljen je Prijedlog Pravilnika o unutarnjoj organizaciji Federalnog zavoda za statistiku kojim je izvršeno usklađivanje Pravilnika sa izmjenama Zakona o državnoj službi u FBiH i podzakonskim aktima donesenim na osnovu ovog Zakona.

U toku 2012. godine, proveden je veliki broj postupaka javnih nabavki u skladu sa Zakonom o javnim nabavkama BiH, među kojima je i nabavka izrade kartografske dokumentacije za Popis stanovništva, domaćinstava i stanova u BiH. Kroz postupke javnih nabavki izvršena je nabavka računarske opreme i softvera, te je zaključen i veliki broj ugovora.

U toku 2012. godine je, u skladu sa finansijskim mogućnostima, izvršeno poboljšanje uslova rada zaposlenika Zavoda.

Izvršena je zamjena krova na polovini zgrade Zavoda, u skladu sa raspoloživim finansijskim sredstvima, a u Službi za statistiku u Livnu je, u saradnji sa drugim korisnicima poslovnog prostora, izvršena rekonstrukcija krova, dok su u poslovnom prostoru u Službi u Travniku izvršeni radovi na izmjeni dotrajalih prozorskih okvira.

U toku izvještajnog perioda pripremljen je veliki broj pojedinačnih akata iz djelokruga rada Zavoda (rješenja o godišnjim odmorima, godišnjim ocjenama zaposlenika, rješenja o plaćenom i neplaćenom odsustvu, rješenja o plaćama, odluka, odobrenja).

U toku 2012.godine vođen je sudski postupak po tužbi Agencije za statistiku Bosne i Hercegovine u predmetu rješavanja imovinsko-pravnih odnosa poslovnog prostora u Sarajevu, o čemu je informisana Vlada Federacije Bosne i Hercegovine. Postupak pred Općinskim sudom u Sarajevu i nadležnim organom općine Stari Grad po ovom predmetu još uvijek je u toku. Takođe, u toku 2012. godine pokrenut je izvršni postupak uknjižbe prava vlasništva nad poslovnim prostorom u Mostaru, a po presudi Kantonalnog suda Heregovačko-neretvanskog kantona.



U toku izvještajnog perioda vršeno je zastupanje Zavoda pred Općinskim sudom u Sarajevu u velikom broju tužbenih zahtjeva iz oblasti radnih odnosa, a po navedenim tužbama donesen je veliki broj presuda.

Osoblje za provođenje anketnih istraživanja (ARS, Anketa o prevalenciji nasilja nad ženama u BiH) je angažovano blagovremeno, te su pripremljena i sva ostala prateća akta i izvršeni svi poslovi potrebni za realizaciju istraživanja.

U okviru priprema za Popis stanovništva, domaćinstava i stanova u BiH 2013., proveden je Probni popis kojim je izvršena simulacija organizacije općeg Popisa, te su za te potrebe formirane popisne komisije, angažovano osoblje za terenski rad, izvršeno obavještanje građana i institucija i dr.

U odsjeku za *finansijsko-računovodstvene poslove* svi planirani zadaci u 2012. godini su obavljani u propisanim rokovima.

Aktivnosti vezane za planiranje budžeta:

- Izrada mjesečnih i tromjesečnih operativnih planova
- Izrada trogodišnjeg plana budžeta u dvije faze (po programima i po ekonomskim kategorijama)
- Priprema rebalansa budžeta

Aktivnosti koje se odnose na obavezno informisanje:

- Izrada završnih računa za ukupan budžet
- Izrada završnih računa za posebno otvorene podračune (Proširena anketa o potrošnji domaćinstava – EHBS 2011 i Plan za provođenje anketnog istraživanja nasilje nad ženama)
- Periodični tromjesečni izvještaji
- Izrada internih izvještaja
- Izvještaji za Poreznu upravu po osnovu isplata redovne djelatnosti i po osnovu povremene samostalne djelatnosti
- Mjesečni izvještaji MIP-1023 i godišnji izvještaj GIP-1022
- Zbirni godišnji izvještaji za isplate po osnovu povremenih samostalnih djelatnosti

U odsjeku su se obavljale i sljedeće tekuće aktivnosti u utvrđenim rokovima:

- Svi poslovi vezani za obračun plaća i kredita
- Vođenje evidencije stalnih sredstava
- Obračun i knjiženje amortizacije i rashoda
- Vođenje blagajničkog dnevnika
- Kontrola izvještaja o plaćanju dobavljačima
- Evidencija o stvorenim i izmirenim obavezama
- Izrada popisnih lista stalnih sredstava
- Dostava otvorenih stavki dobavljačima sa stanjem 31.12.2012.
- Knjiženja poslovnih promjena
- Evidencije u pomoćnim knjigama
- Uredno vođenje i knjiženje potraživanja od kupaca, i potraživanja po osnovu bolovanja preko 42 dana

U toku 2012. godine odsjek za finansijsko-računovodstvene poslove je aplikativno uvezan u trezorski sistem poslovanja, zbog čega su zaposlenici bili dodatno angažovani. Takođe, uposlenici su bili angažovani i na pripremi i kontroli obračuna troškova za Probni popis stanovništva, domaćinstva i stanova, koji su se dostavljali Agenciji za statistiku BiH.

Interna revizija Federalnog ministarstva finansija je izvršila reviziju poslovanja Zavoda za period 01.01. - 30.06.2012. godine, i nije imala primjedbi na finansijsko i ostalo poslovanje Federalnog zavoda za statistiku za navedeni period.

### **3. Informaciono - komunikacione tehnologije i statističke metode**

#### **3.1. Informacioni sistem i tehnička podrška**

U toku protekle godine nastavljene su aktivnosti na potpunoj rekonstrukciji informacionog sistema Zavoda, u cilju poboljšanja pouzdanosti, sigurnosti i funkcionalnosti informacionog sistema. Poboljšanja se ogledaju u slijedećem:

- Unapređenje sigurnosti informacionog sistema Zavoda. Izvršena je nabavka i puštanje u produkciju novog vatrozida (Firawall). Navedenim je postignuto: poboljšane zaštite informacionog sistema Zavoda od upada sa interneta; omogućena je potpuna kontrola i uvid u korištenje interneta od strane svih uposlenika; omogućena je kontrola saobraćaja prema/sa internetu dodjeljivanjem prioriteta određenim vrstama informacija ili korisnika (QoS); omogućen je siguran pristup svim računarima/serverima koji se nalaze u Zavodu sa bilo kojeg računara u svijetu koji imaju pristup internetu; omogućena je integracija sa Active Directory.
- Znatno je unaprijeđena pouzdanost kao i performanse računarske mreže Zavoda. Izvršena je zamjena dotrajale opreme i nabavka i puštanje u funkciju novih koncentratora (Core Swicher). Navedenim poboljšanjem je povećana brzina razmjena informacija između servera i PC računara za 100 puta; povećana je pouzdanost računarske mreže Zavoda; omogućena je redundantnost u pristupu i napajanju uređaja; omogućeno je segmentiranje mreže i stvorene su pretpostavke za povećanje sigurnosti kroz podešavanje prava pristupa resursima na mreži (Layer 3).
- Unapređenje sigurnosti i funkcionalnosti kroz segmentiranje računarske mreže Zavoda. Izvršena je podjela računarska mreže na 15 virtualnih mreža (4 u centrali Zavoda i 11 u kantonalnim odjeljenjima). Navedenom aktivnošću postignuto je: da za svaku od 15 virtualnih mreže moguće je podesiti prava pristupa drugim mrežama kao i pojedinim resursima na mreži (serverima, itd.); segmentiranjem mreže stvorene su pretpostavke za dodatno poboljšanje zaštite podataka kroz setovanje prava pristupa i za svaku mrežu je moguće definisati posebnu sigurnosnu politiku.
- Aktivnosti na pripremi u organizaciji i sprovođenju popisa stanovništva i domaćinstava i stanova u BiH 2013 kao i Probom popisu. Uposlenici odjeljenja su bili uključeni u instalaciju IT opreme za potrebe Probom popisa stanovništva i u rad radne grupe za IT.
- Izvršena je pripreme hardvera i softvera za implementaciju GIS sistema. U cilju postizanja neophodnih performansi za smještanje jako velike količine podataka izvršena je nadgradnja servera kao i instalacija Oracle baza podataka kao i Oracle Spatial.
- Izvršeno je uvezivanje FZS-a u sistem trezorskog poslovanja Federalnog ministarstvo finansija.

Navedenim su stvoreni su preduslovi da se u 2013. godini izvrši značajno poboljšanje pouzdanosti i funkcionalnosti IT sistema. Nabavljeno je 6 servera (2 za centralu, 4 za kantonalna odjeljenja), 5 UPS i 2 koncentratora (Access Switch). Osim navedenog vršene i slijedeće aktivnosti:

- Administracija svih komponenti IT sistema FZS-a
- Provođenje konstantnih aktivnosti na zaštiti podataka i sigurnosti informacionog sistema
- Administriranje mreže kroz instaliranje i konfigurisanje mrežne infrastrukture
- Definiranje nabavke potrebne IT opreme, softvera i drugih alata
- Provođenje različitih mjera na unapređenju i poboljšanju IT sistema

### **3.2. Statističke metode i koordinacija**

U 2012. godini podržani su organiziranje, provođenje i evaluacija statističkih istraživanja baziranih na uzorku; napravljeni su višegodišnji program, te jednogodišnji plan i izvještaji planiranja i provođenja statističkih istraživanja; planirana strategija rada i koordinirana komponenta vezana za statističke metode u međunarodnim projektima; podržano provođenje postpopisne ankete.

U okviru rada na statističkim istraživanjima baziranim na uzorku radilo se na pripremi okvira uzoraka, izradi uzoraka, analizi i editovanju podataka, statističkim procjenama i analizama rezultata, pripremanju metodoloških dokumenata i kvalitativnih izvještaja za istraživanja: Anketa o troškovima rada, Anketa o radnoj snazi, Proširena anketa o potrošnji domaćinstava, Strukturne poslovne statistike, Statistike kratkoročnih istraživanja, Statistika distributivne trgovine, Statistika trgovine na malo.

Izrađeni su Izvještaj o radu Federalnog zavoda za statistiku za 2011. godinu, Plan aktivnosti i rokovi statističkih istraživanja u 2012. godini, Nacrt Programa provođenja statističkih istraživanja od interesa za FBiH i Prijedlog Plana provođenja statističkih istraživanja od interesa za FBiH za 2013.godinu.

U sklopu SIDA-nih projekata pomoći razvoju statističkog sistema u BiH organizovane su i provedene obuke zaposlenika na različite teme vezane za statističke procese, i planirana je strategija rada/razvoja određenih komponenti na principu zasnovanom na rezultatima.

Podržana je izrada popisnih obrazaca i metodoloških uputstava za postpopisnu anketu, čiji cilj je ocjena kvaliteta i obuhvata Probnog Popisa stanovništva, domaćinstava i stanova u BiH provedenog u 2012. godini.

### **3.3. Razvoj aplikacija za unos podataka**

Za potrebe Ekonomskih statistika u 2012. godini izvršena je izmjena projekata vezana za statistiku cijena i to: PPI – domestic prešifriranje proizvoda po KDBIH 2010, obrada indexa za 2011. godinu po novoj KDBIH 2010, prelazak na novu bazu kao i paralelna obrada indexa za 2012. godinu po novoj i staroj nomenklaturi i PPI – nondomestic - izvršena je nadogradnja aplikacije za obradu i izračunavanje indexa, kao i prešifriranje proizvoda na KDBIH 2010, obrada i izračun indexa za 2011.godinu, te kontinuirano mjesečni indexi za 2012. godinu. Urađena je i nova aplikacija za izračunavanje ukupnog nondomestic indexa (euro + noneuro total).

Za Odsjek statistike nacionalnih računa urađena je izmjena i dopuna aplikacija Statističkog aneksa godišnjih računovodstvenih izvještaja, Dodana

vrijednost društvenih djelatnosti, Godišnjeg izvještaja o investicijama kao i drugih istraživanja ovog Odsjeka, i aplikacije su prilagođene potrebama istraživačkih odjeljenja.

U sklopu Statistike stanovništva i društvenih statistika, prije svega odsjeke demografije, obrazovanja i tržišta rada, aplikacije unosa su prilagođene unosu mjesečnih i godišnjih istraživanja kao i potrebama istraživačkih odjeljenja, kao i njihovo testiranje i slanje na unos kantonalnim odjeljenjima. U sklopu Ankete nasilje nad ženama urađena je aplikacija za unos podataka, instruktaza operatera za unos podataka i kontrola unosa podataka, editovanje i imputacija podataka u skladu sa logičkim kontrolama kao i spajanje podataka iz entiteta u jednu bazu podataka. Za Odsjek tržišta rada urađena je obrada podataka po novoj KD za period 2008. – 2011. (backcasting) i prilagođavanje tabeliranja po novoj i staroj KD.

Za potrebe Poslovnih statistika u 2012. godini je izvršena je izmjena projekata vezana za statistiku industrije ( IND1 i IND21) za novi NIP kao i prilagođavanje postojećih aplikacija izmjenama na obrascu kao i prevod prethodnih godina IND21 (2005/06/07/08/09) na novi NIP KDBIH 2010 i preračunavanje nove količine zbog promjene jedinica mjere kao i definicije samih proizvoda. Urađen je backcasting za lančane mjesečne indekse za sve prethodne godina (2006 -2012) u sklopu projekta GIZ-a.

Kvartalno istraživanje iz građevinarstva i transporta (kratkoročne statistike – STS) zahtjevalo je održavanje projekta (promjene, spajanje podataka, zaštita podataka), izlistavanja po zahtjevu građevinarstva i transporta koja nisu postojala u aplikaciji. U 2012. godini ponovo je sprovedeno istraživanje Strukturnih poslovnih statistika – SBS, ali se takođe do polovine godine radilo na povremenom ažuriranju i imputiranju podataka SBS-a prikupljenih tokom 2011. godine. Nakon unosa podataka, radilo se na imputaciji, računanju izvedenih varijabli i indikatora, kao i obradi .

Za potrebe Statistike poljoprivrede, šumarstva i ribarstva zbog promjena na obrascima Biljne proizvodnje urađena je izmjena i dopuna aplikacija.

Za statistiku otpada i štetnih materija dorađene su aplikacije za obrasce OTP, KOM-6aD I OTP-P u dijelu koji se odnosi na izvještaje, upite i preglede.

Za istraživanje Statističkog poslovnog registra (SPR) u svrhu popravljavanja kvaliteta podataka u SPR-u izrađena je aplikacija sa adresarima, formama za unos i korekcije podataka, izvještajima.

U sklopu Probnog popisa 2012. godine, Odsjek je kroz radne grupe aktivno učestvovao na testiranju, unosu podataka probnog popisa, skeniranju kao i OCR/ICR sistemu. Odsjek je dao informatičku podršku na anketi ARS 2012, anketi EHBS 2011, misijama Metadata sistema, kao i svih aktivnosti vezane za saradnju sa Agencijom i dostavom podataka.

### **3.4. Razvoj baza podataka, podrška diseminaciji i unos podataka**

Podrška probnom popisu – osoblje Odsjeka vršilo je tehničku podršku uposlenicima Zavoda. U saradnji sa Agencijom za statistiku BiH preuzeta je baza podataka probnog popisa stanovništva, domaćinstava i stanova u BiH, te je ista postavljena na Zavodsku infrastrukturu, odakle su istraživačkim odjeljenjima (prvenstveno odjeljenju za demografiju) obezbjeđeni podaci. Na navedenom serveru je također bila implementirana i web aplikacija za prve rezultate Probnog popisa.

Razvoj sistema diseminacionih baza podataka – s obzirom da je jedna od aktivnosti koje će se provoditi tokom Popisa stanovništva, domaćinstava i

stanova u BiH 2013. godine. i diseminacija podataka. Zavod je pristupio provođenju aktivnosti za implementaciju novog softvera. Završena je implementacija virtuelnog servera sa implemetiranim PC-Axis-om u svrhu testiranja, te je završena lokalizacija na dva jezika (bosanski i hrvatski).

Razvoj sistema meta podataka – u aprilu i junu 2012. godine održane su 2 misije s ciljem uspostave sistema meta podataka, i tom prilikom je predloženo da se kao polazna tačka uzme Opći Model Statističkog Poslovanja. Tokom navedenih misija predložena su 2 softverska paketa (Colectica i MetaPlus) te bi tokom 2013. godine jedan od njih trebao biti izabran, i pokrenut proces implementacije. Ovaj projekat se provodi zajedno sa druge dvije statističke institucije u BiH.

Podrška za provođenje ankete o zadovoljstvu korisnika – implementirana je web aplikacija bazirana na Open source tehnologiji, čija je namjena provođenje ankete o zadovoljstvu korisnika.

Osim nabrojanih aktivnosti, obavljali su se i tekući poslovi, kao što su: saradnja sa Agencijom za statistiku BiH i Zavodom za statistiku RS vezano za pripreme aktivnosti provođenja Popisa, kao i aktivnosti tehničke podrške za analizu podataka Probnog popisa – Postpopisna anketa, i davali su podršku istraživačkim odjeljenjima FZS.

## **IV Kantonalne Službe i Uredi**

U području statističke djelatnosti prikupljanja statističkih podataka od izvještajnih jedinica, definisanih Zakonom o statistici u Federaciji Bosne i Hercegovine i Planom, statistički podaci su se prikupljali, logički i matematički kontrolisali kroz mjesečna, kvartalna i godišnja istraživanja. U toku 2012. godine maksimalno se angažovalo na proširenju obuhvata za pojedina statistička istraživanja. Rokovi, predviđeni Planom za 2012. godinu, su ispoštovani.

Ukupan broj prikupljenih i iskontrolisanih pojedinačnih statističkih izvještaja je preko 300.000, sa ogromnom količinom statističkih podataka.

U svih 10 službi i ureda, u saradnji sa Federalnom poreskom upravom uspješno se vodila dnevna ažurnost administrativnog registra poslovnih subjekata. Kroz tu aktivnost vršeno je razvrstavanje poslovnih subjekata prema djelatnostima i blagovremeno izdavanje Obavještenja o razvrstavanju, kao i brisanje subjekata iz registra.

Za izračunavanje indeksa potrošačkih cijena, kao i prethodne godine, cijene se prikupljaju u pet gradova Federacije BiH (Bihać, Mostar, Sarajevo, Tuzla i Zenica) prema unaprijed definisanom uzorku prodajnih mjesta i listi proizvoda. Tako da su se u 2012. godini prikupili podaci o cijenama sa ukupno 1297 prodajnih mjesta, za oko 10.000 pojedinačnih cijena (posmatrano u mjesečnoj dinamici).

U 2012. godini uspješno je provedena Anketa o radnoj snazi (ARS) u svih 10 kantona prema unaprijed definisanom uzorku, za čiju realizaciju su angažovani i spoljni saradnici. Takođe, provedena je i Anketa o kvaliteti života i zdravlja žena, kao i Probní popis stanovništva, domaćinstava i stanova.

Kantonalni Službe i Uredi su, i pored svih problema s kojima se susreću na terenu, uz maksimalan napor svih uposlenika odgovorili na sve potrebne zadatke za realizaciju statističkih istraživanja.

## V Aktivnosti koje su imale međunarodnu podršku

Statistička saradnja sa Evropskom komisijom i ostalim partnerima odvija se u okviru projekata pomoći EU i ostalih inostranih organizacija i institucija, u cilju razvoju statistike u Bosni i Hercegovini. Zavod je, u saradnji sa Agencijom za statistiku BiH i Republičkim zavodom za statistiku Republike Srpske u 2012. godini učestvovao u implementaciji više međunarodnih nacionalnih i regionalnih projekata među kojima su:

- IPA 2008 TWINNING („Projekat pomoći državnoj i entitetskim statističkim institucijama – Faza V“) je nacionalni projekat, koji se provodi 24 mjeseca (septembar 2011. - 2013. godine). Komponente ovog projekta se osnose na: poslovne statistike (statički poslovni registar - SBR, strukturne poslovne statistike – SBS, kratkoročne statistike –STS, statistiku građevinarstva, statistiku trgovine na malo i statistika turizma), proširenu anketu o potrošnji domaćinstava (EHBS) i jačanje institucionalnih kapaciteta statističkog sistema BiH (dugoročna strategija, razvoj metadata i sistema klasifikacija, te promoviranje diseminacije).
- IPA 2008 „Projekat tehničke pomoći za Popis stanovništva i stanova - Faza II , također nacionalni projekat koji traje 12 mjeseci (april 2012.- april 2013. godine), a finansira ga SIDA. Cilj projekta je pružanje pomoći u pripremama za Popis 2013. godine. Komponente ovog projekta se odnose na organizaciju i metodologiju popisa stanovništva, obuhvat i kontrolu kvaliteta popisnih podataka, javnu svijest (Public awareness), ICT podršku Popisu stanovništva, kartografiju i diseminaciju.

Uporedo se provode i dvije međunarodne posmatračke aktivnosti:

- IMO (International Monitoring Operation) i ROM (Result Oriented Monitoring) čija je svrha nadgledanje implementacije gore pomenutog Programa. Memorandum o razumijevanju za IMO aktivnost su potpisali Evropska komisija, u ime Evropske unije, Savjeta Evrope i Savjet ministara, u ime Bosne i Hercegovine.
- IPA 2009 „Višekorisnički program statističke saradnje“ je regionalni projekat koji se provodio dvije godine i koji je završen sredinom 2012. godine. Projektom su obuhvaćene sljedeće statističke oblasti: statistika vanjske trgovine, statistika cijena - PPP, nacionalni računi, platni bilans, Anketa troškova rada, indeks troškova rada, migracije, statistika energetike, diseminacija i podrška korisnika, obuke, višemjesečne obuke u inostranstvu i sastanke na kojima su učestvovali predstavnici Federalnog zavoda za statistiku.
- IPA 2011 „Višekorisnički program za statističku saradnju“ je, također, regionalni program koji će trajati dvije godine, a koji se počeo implementirati u julu 2012. godine. Projektom su obuhvaćene sljedeće statističke oblasti: metodologije nacionalnih računa, kvartalnih nacionalnih računa, regionalnih računa domaćinstava, regionalne bruto dodane vrijednosti, agri-monetarne statistike, godišnje statistike usijeva, statistike stočarstva, statistike voda, statistike otpada, statistike prihoda i životnog standarda, Anketa domaćinstava, poslovnih registara, statistike unutarnje robne trgovine, strukturnih poslovnih

statistika, statistike cijena –PPP i HICP. Projekat provodi firma GOPA Consultants.

- „Partnerstvo u statistici u Bosni i Hercegovini - 2012-2014 “ (SIDA/SCB nacionalni 2012. - 2014. godine) je projekat bilateralne saradnje kojeg provodi Statistika Švedske (SCB), a finansira SIDA. Period implementacije teče od januara 2012. do decembra 2014. godine. Komponente projekta su: statistika tržišta rada (ankete o radnoj snazi i troškovima rada), statistika životne sredine, statističke metodologije i izgradnja općih kapaciteta (menadžment i ljudski resursi).
- SIDA regionalni projekat 2008. – 2011. godine (implementiran je i u 2012. godini), a obuhvatao je različite aktivnosti kao što su: seminari, obuke i ljetne škole o različitim temama koje su se odnosile na oblasti diseminacije, komunikacija, statistiku spolova, statističku metodologiju, energetska statistiku, prikupljanje podataka itd.
- Tokom 2012. godine urađen je Prijedlog novog SIDA/SCB regionalnog projekta za period 2013. - 2016. godine. U izradu ovog prijedloga su učestvovali i zaposlenici Federalnog zavoda za statistiku.
- GIZ (Njemačko društvo za međunarodnu pomoć) finansira Program za jačanje javnih institucija u BiH, koji nije do kraja definiran. Predviđeno je da se ovaj program implementira u periodu 2011. – 2013. godine. U izvještajnom periodu obavljene su izvjesne aktivnosti (obuke) vezane za poslovne statistike, kao što je statistika potrošačkih cijena i regionalni računi u statistici.
- MMF je pokrenuo regionalni Projekat „Izgradnja kapaciteta za održivu kompilaciju statistike realnog sektora u Istočnoj Evropi“, kojeg finansira Vlada Japana. Cilj ovog projekta je pružanje pomoći za devet zemalja Istočne Evrope u unaprijeđenju tačnosti procjene nacionalnih računa i statistike cijena. Prva radionica o nacionalnim računima u okviru MMF-ovog regionalnog programa održana je u julu mjesecu 2012. godine u Sarajevu.
- U izvještajnom periodu su se provodile i završne aktivnosti iz Program bilateralne tehničke pomoći u oblasti statistike sa Republikom Slovenijom koji je obuhvatao komponente ekonomskih računa u poljoprivredi, ekonomskih računa u šumarstvu, popisa poljoprivrede, poslovnih statistika, energetske statistike i Ankete o radnoj snazi.
- Pored navedenih programa, Zavod je učestvovao, uglavnom, kao korisnik podataka, u implementaciji više drugih programa čiji nosioci nisu statističke institucije, kao što su: IPA 2009 PFM-STAR „Jačanje kapaciteta za kompilaciju računovodstvenih podataka u okviru vladinog sektora i statistike javnih finansija“.

## **VI Uslovi koji su uticali na realizaciju statističkih aktivnosti**

### **1. Organizaciona struktura**

Pravilnik o unutrašnjoj organizaciji Federalnog zavoda za statistiku usvojen je 14.02.2011. godine. Pravilnikom su sistematizirana 264 radna mjesta od čega 8 rukovodećih državnih službenika, 167 ostalih državnih službenika, 89 namještenika i 1 savjetnik direktora. Popunjenost radnih mjesta utvrđenih sistematizacijom, procentualno iznosi 67,5 %.

Na dan 31.12.2012. godine u Zavodu je zaposleno 179 radnika, što je manje u odnosu na 31.12.2011. godinu, kada je bio zaposlen 181 zaposlenik.


- U toku izvještajnog perioda Zavod je završio sa provođenjem obuke za dva pripravnika koja su angažovana na osnovu konkursa koji je objavila Služba za zapošljavanje Kantona Sarajevo, dok je jedan pripravnik primljen u 2012.godini na osnovu istog projekta.
- Federalni zavod za statistiku je proveo program obuke za 4 volontera koji su bili angažovani i finansirani od strane švedske statistike (SCB) / SIDE, a na osnovu prethodno potpisanog sporazuma o saradnji.
- U toku izvještajnog perioda, devet zaposlenika Federalnog zavoda za statistiku ispunilo je zakonske uslove za odlazak u penziju, te su provedene potrebne procedure prestanka radnog odnosa.
- U 2012. godini je na osnovu dobijene saglasnosti Vlade Federacije BiH provedena konkursna procedura za prijem osam državnih službenika, kao i procedura za izbor i imenovanje direktora Federalnog zavoda za statistiku.

### **Problemi sa nedostatkom kadrova**

Zbog kontinuiranog povećanja obima poslova i novih istraživanja, kao i predstojećeg Popisa stanovništva 2013. godine, popunjenost kadrovima u Zavodu bi trebala biti na znatno većem nivou, naročito u Odsjeku za razvoj aplikacija za unos podataka, Odsjeku za statistiku nacionalnih računa, Odsjeku za statistiku stanovništva i registar, Sektoru za publicistiku i diseminaciju i Odsjeku za statističke metode i koordinaciju.



FEDERALNI ZAVOD ZA STATISTIKU - ORGANIZACIONA ŠEMA



## 2. Finansiranje

Pregled utrošenih sredstava po grupama rashoda u 2012. godini:

Grupa rashoda	Budžet	Izvršeno	Index
Bruto plate i naknade	4.071.792	3.997.769	98,2
Naknade troškova i zaposlenih	614.175	560.977	91,3
Doprinosi poslodavca i ostali doprinosi	433.000	424.620	98,1
Putni troškovi	61.765	31.691	51,3
Troškovi energije	99.000	90.885	91,8
Troškovi komunalnih i komunikacionih usluga	186.000	175.600	94,4
Nabavka materijala	139.289	136.798	98,2
Troškovi usluga prevoza i goriva	28.000	17.057	60,9
Zakup imovine i opreme	37.000	33.808	91,4
Troškovi tekućeg održavanja	72.250	82.898	114,7
Troškovi osiguranja, bankarskih usluga i platnog prometa	20.000	14.831	74,2
Ugovorene usluge	2.295.833	2.316.322	100,9
Kapitalni izdaci	138.600	152.516	110,0
Ukupno:	8.196.704	8.035.772	98,0

U 2012. godini iskazani su ukupni rashodi u iznosi od 8.035.772 KM.

U 2012. godini utrošeno je 12,9% više u odnosu na 2011. godinu. Najveće povećanje je na grupi rashoda 613900 „Ugovorene usluge za uvođenje GIS-a i formiranje nove kartografske dokumentacije po općinama”, što predstavlja osnov za pripremu Popisa stanovništva, domaćinstava i stanova u BiH.

U datom periodu u Zavodu je bilo zaposleno prosječno 179 radnika. Prosječna neto plata iznosila je 1.280,91 KM, dok je bruto iznosila 1.861,15 KM.

## **P R I L O Z I:**

Prilog 1. – Pregled planiranih i izvršenih aktivnosti po oblastima

Prilog 2. – Spisak statističkih aktivnosti koje nisu provedene

Prilog 3. – Spisak Publikacija

Prilog 4. – Zaposleni radnici prema polu i stepenu obrazovanja

Prilog 5. – Budžet

Prilog 6. – Poslovni prostor

Prilog 7. – Spisak seminara

## Prilog 1. – Planirane i izvršene aktivnosti po oblastima u 2012. godini

STATISTIČKE AKTIVNOSTI PO OBLASTIMA	BROJ AKTIVNOSTI	AKTIVNOSTI							Planirane aktivnosti koje nisu izvršene
		Ukupno	Tekuće	Mjesečne	Tromjesečne	Polugodišnje	Godišnje	Višegodišnje	
<b>AKTIVNOSTI UKUPNO</b>	<b>184</b>	<b>174</b>	<b>11</b>	<b>19</b>	<b>20</b>	<b>2</b>	<b>111</b>	<b>11</b>	<b>10</b>
<b>1. Poslovne statistike</b>	<b>110</b>	<b>103</b>	<b>8</b>	<b>13</b>	<b>19</b>	<b>1</b>	<b>61</b>	<b>1</b>	<b>7</b>
1.1. Statistika poljoprivrede, šumarstva, ribarstva i okoliša	36	35		6	2		26	1	1
1.2. Statistika industrije, građevinarstva i energije	18	18		3	2	1	12		
1.3. Strukturno poslovno statističko istraživanje	11	11					11		
1.4. Statistika usluga i vanjske trgovine	45	39	8	4	15		12		6
<b>2. Statistika stanovništva i društvene statistike</b>	<b>56</b>	<b>53</b>	<b>1</b>	<b>2</b>	<b>1</b>	<b>1</b>	<b>38</b>	<b>10</b>	<b>3</b>
2.1. Statistika stanovništva i registar	11	11	1	1		1	6	2	
2.2. Statistika tržišta rada	4	4		1	1		2		
2.3. Statistika razvoja društva	<b>40+(34)*</b>	37		(1)*	(1)*	(2)*	30+(30)*	7	3
2.4. Statistika životnih uslova	1	1						1	
<b>3. Ekonomske statistike</b>	<b>18</b>	<b>18</b>	<b>2</b>	<b>4</b>			<b>12</b>		
3.1. Statistika nacionalnih računa	14	14	2				12		
3.2. Statistika cijena	4	4		4					

\*Brojevi u zagradi se odnose na aktivnosti koje provode druge institucije, kao ovlašteni proizvođači zvanične statistike

AKTIVNOSTI ADMINISTRATIVNE I TEHNIČKE PODRŠKE	BROJ AKTIVNOSTI	AKTIVNOSTI							Planirane aktivnosti koje nisu izvršene
		Ukupno	Tekuće	Mjesečne	Tromjesečne	Polugodišnje	Godišnje	Višegodišnje	
<b>AKTIVNOSTI UKUPNO</b>	<b>180</b>	<b>180</b>	<b>70</b>	<b>22</b>	<b>10</b>	<b>2</b>	<b>73</b>	<b>3</b>	
<b>1. Publicistika i diseminacija</b>	<b>38</b>	<b>38</b>	<b>28</b>	<b>7</b>			<b>3</b>		
1.1. Publicistika	18	18	8	7			3		
1.2. Odnosi s javnošću i biblioteka	16	16	16						
1.3. Štampa i umnožavanje	4	4	4						
<b>2. Pravni, kadrovski, finansijsko-računovodstveni i opći poslovi</b>	<b>53</b>	<b>53</b>	<b>38</b>	<b>5</b>	<b>2</b>		<b>8</b>		
2.1. Pravni, kadrovski i opći poslovi	29	29	29						
2.2. Finansijsko – računovodstveni poslovi	24	24	9	5	2		8		
<b>3. Informaciono – komunikacione tehnologije i statističke metode</b>	<b>89</b>	<b>89</b>	<b>4</b>	<b>10</b>	<b>8</b>	<b>2</b>	<b>62</b>	<b>3</b>	
3.1. Statističke metode i koordinacija	11	11	**				8	3	
3.2. Razvoj aplikacija za unos podataka	<b>78*</b>	78	4	10	8	2	54		

\*U ukupan broj uključen broj aplikacija kojim su pokrivena istraživanja, po periodici istraživanja

\*\* Zbog velikog broja tekućih poslova nije moguće specificirati tačan broj

## Prilog 2. – Spisak aktivnosti koje nisu provedene u 2012. godini

### Odsjek statistike usluga i vanjske trgovine

- Godišnje istraživanje o upotrebi informacijskih i komunikacijskih tehnologija u preduzećima te u domaćinstvima – probno
- Kvartalni indikatori u hotelijerstvu i ugostiteljstvu
- Kvartalni indikatori u poštanskim i kurirskim uslugama
- Kvartalni indikatori u telekomunikacijskim uslugama
- Kvartalni indikatori u poslovanju nekretninama

### Odsjek razvoja baza podataka, podrške diseminaciji i unos podataka

- Implementacija baze podataka registra prostornih jedinica – djelimično realizovana

### Odsjek statistika Poljoprivrede, šumarstva, ribarstva i okoliša

- Popis poljoprivrede

### Odsjek statistike razvoja društva

- Oblasti iz naučno-istraživačkog rada

### Prilog 3. – Spisak publikacija objavljenih u 2012. godini

RB	PUBLIKACIJA KOJE SE OBJAVLJUJE	TIRAŽ	FORMAT
1.	Migracije stanovništva, 2011	100	A4
2.	Biljna proizvodnja u FBiH, 2011	100	A4
3.	Kultura i umjetnost u FBiH u 2011	100	A4
4.	Visoko obrazovanje u FBiH u 2011/2012	100	A4
5.	Socijalna zaštita u FBiH u 2011	100	A4
6.	Demografska statistika 2011	100	A4
7.	Predškolsko obrazovanje u 2011 godini, Osnovno obrazovanje u FBiH, kraj školske 2010/2011 i početak 2011/2012 godine	100	A4
8.	Zaposlenost, nezaposlenost i plaće u FBiH u 2011	100	A4
9.	Prijavljene, optužene i osuđene punoljetne i maloljetne osobe i privredni/gospodarski prijestupi i sporovi u FBiH u 2011 godini	100	A4
10.	Srednje obrazovanje u FBiH kraj 2010/2011 i početak 2011/2012 šk.godine	100	A4
11.	Građevinarstvo u FBiH, 2011	100	A4
12.	Industrijska proizvodnja FBiH u 2011	100	A4
13.	Investicije u stalna sredstva u FBiH u 2011	100	A4
14.	Bruto domaći proizvod u FBiH za 2011. godinu	100	A4
15.	Mjesečni statistički pregled FBiH	220	A4
16.	Mjesečni statistički pregled FBiH po kantonima	220	A4
17.	Statistički godišnjak/ljetopis 2012	200	A4
18.	FBiH u brojkama	100	A5
19.	Kantoni u brojkama	100	A5
20.	Muškarci i žene u FBiH	250	B5

### TROMJESEČNA SAOPŠTENJA U 2012. GODINI

RB	ISTRAŽIVANJE	NAZIV SAOPŠTENJA
1.	Građevinarstvo	Građevinarstvo u FBiH
2.	Unutrašnja trgovina	Distributivna trgovina prema pretežnoj djelatnosti
3.	Prijevoz, skladištenje i komunikacije	Promet u prijevozu i mskladišnim djelatnostima
		Cestovni prijevoz robe i putnika
		Zračni prijevoz
		Promet na aerodromima/u zračnim lukama
		Poštanske, kurirske i telekomunikacijske usluge
	Prijevoz putnika i robe željeznicom	
4.	Poljoprivreda	Klanje stoke i peradi u klaonicama
5.	Ugostiteljstvo	Promet u ugostiteljstvu

### POLUGODIŠNJA SAOPŠTENJA U 2012. GODINI

RB	ISTRAŽIVANJE	NAZIV SAOPŠTENJA
1.	Građevinarstvo	Prosječna cijena završenih stanova

## GODIŠNJA SAOPŠTENJA U 2012. GODINI

RB	ISTRAŽIVANJE	NAZIV SAOPŠTENJA
1.	Unutrašnja trgovina	Domaći sajmovi
		Godišnji podaci o prometu u distributivnoj trgovini
		Godišnji podaci o prometu u trgovini na malo
2.	Prijevoz, skladištenje i komunikacije	Cestovni prijevoz robe u 2011.
		Prometne nesreće na cestama u 2011.
		Prijevoz putnika i robe u 2011.
		Ceste, mostovi i tuneli u 2011.
		Zračni promet u 2011.
		Registrirana cestovna motorna vozila za 2011.
3.	Industrija	Promet na aerodromima /u zračnim lukama u 2011.
		Industrijska proizvodnja u FBiH
4.	BDP	Bruto dodana vrijednost i bruto domaći proizvod – proizvodni pristup – prvi rezultati
		Bruto dodana vrijednost i bruto domaći proizvod – proizvodni pristup – konačni rezultati
		Bruto dodana vrijednost i bruto domaći proizvod – dohodovni pristup – prvi rezultati
		Bruto dodana vrijednost i bruto domaći proizvod – dohodovni pristup – konačni rezultati
5.	Investicije	Investicije u 2011. – prvi rezultati
		Investicije u 2011. – konačni rezultati
6.	Obrazovanje	Predškolsko obrazovanje, 2012
		Osnovne škole – kraj školske 2011/2012 i početak 2012/2013 godine
		Upisani studenti na visokoškolskim ustanovama
		Visoko obrazovanje FBiH
7.	Poljoprivreda	Srednje škole – kraj školske 2011/2012 i početak 2012/2013 godine
		Brojno stanje stoke i stočna proizvodnja
		Indeksi poljoprivredne proizvodnje
		Zasijane površine u jesenjoj sjetvi
		Zasijane površine u jesenjoj i proljetnoj sjetvi
8.	Stanovništvo	Ostvareni prinosi kasnih usjeva, voća i grožđa
		Ostvareni prinosi ranih usjeva i voća
9.	Kultura	Procjena ukupnog broja prisutnih stanovnika po spolnoj i starosnoj strukturi
10.	Sport	Pozorišta/kazališta u sezoni 2011/2012
11.	Sport	Sport u FBiH
12.	Vanjska trgovina	Podaci o robnoj razmjeni s inozemstvom za 2011
13.	Socijalna zaštita	Socijalna zaštita/skrb u FBiH, 2011
14.	Pravosuđe	Pravosuđe u 2011
14.	Okoliš	Otpad iz proizvodnih djelatnosti, 2011
		Korišćenje voda i zaštitavoda od zagađivanja u industriji u 2011
		Prikupljeni i odloženi komunalni otpad u 2011
		Prečišćavanje i ispuštanje otpadnih voda u 2011
		Skupljanje, prečišćavanje i distribucija vode u 2011
15.	Ankete	Anketa o radnoj snazi, 2012
		Anketa o potrošnji domaćinstva, 2011
16.	Energetika	Bilans električne energije, 2011
		Bilans ugljena, 2011
		Bilans prirodnog plina, 2011

## BROJ SAOPŠTENJA PO ISTRAŽIVANJIMA I TIPU U 2012. GODINI

RB	ISTRAŽIVANJE	TIP SAOPŠTENJA				Ukupno saopštenja po istraživanju
		Mjesečno	Tromjesečno	Godišnje	Polugodišnje	
1.	Građevinarstvo	12	4	-	2	18
2.	Šumarstvo	12	-	-	-	12
3.	Unutrašnja trgovina	12	4	3	-	19
4.	Turizam	12	-	-	-	12
5.	Prijevoz, skladištenje i komunikacije	-	24	7	-	31
6.	Cijene	12	-	-	-	12
7.	Zaposlenost, nezaposlenost i plaće	24	-	-	-	24
8.	Industrija	12	-	1	-	13
9.	BDP	-	-	4	-	4
10.	Investicije u 2011.	-	-	2	-	2
11.	Obrazovanje	-	-	5	-	5
12.	Poljoprivreda	12	4	6	-	22
13.	Stanovništvo	12	-	1	-	13
14.	Kultura i sport	-	-	2	-	2
15.	Vanjska trgovina	12	-	1	-	13
16.	Ugostiteljstvo	-	4	-	-	4
17.	Socijalna zaštita	-	-	1	-	1
18.	Pravosuđe	-	-	1	-	1
19.	Okoliš	-	-	5	-	5
20.	Ankete	-	-	2	-	2
21.	Energetika	-	-	3	-	3
	<b>UKUPNO SAOPŠTENJA U 2012. GODINI:</b>	<b>132</b>	<b>40</b>	<b>44</b>	<b>2</b>	<b>218</b>

### Prilog 4. – Zaposleni prema polu i stepenu obrazovanja (31.12.2012.)

Školska sprema	Broj radnika				
	Po sistematizaciji	Popunjeno			Nije popunjeno
		Ukupno	Muškarci	Žene	
VSS - Državni službenici	176	108	29	79	68
VŠS i SSS - Namještenici	89	72	17	55	17
<b>UKUPNO</b>	<b>265</b>	<b>180</b>	<b>46</b>	<b>134</b>	<b>85</b>



## Prilog 5. – Budžet Federalnog zavoda za statistiku

GODINA	U KM	UČEŠĆE U BUDŽETU FEDERACIJE BIH ( % )
2010.	9.516.128	0,51
2011.	8.828.655	0,51
2012.	8.196.704	0,41

## Prilog 6. – Poslovni prostor

	Broj kancelarija	Površina u m <sup>2</sup>	Broj radnika	
	Stanje	Stanje	Popunjeno	Potrebno po sistematizaciji
FZS Centrala Sarajevo	40	890	101	162
Kantonalna služba Bihać	5	95	10	12
Kantonalni ured Orašje	1	18,9	2	4
Kantonalna služba Tuzla	10	150	12	16
Kantonalna služba Zenica	4	92	9	12
Kantonalni ured Goražde	2	35	4	4
Kantonalna služba Travnik	4	78	8	11
Kantonalna služba Mostar	7	150	11	14
Kantonalni ured Široki Brijeg	3	55	5	6
Kantonalna služba Sarajevo	5	120	12	17
Kantonalni ured Livno	3	83	5	7

Poslovni prostori u Zenici, Bihaću i Orašju se koriste na osnovu potpisanog ugovora o zakupu.

## Prilog 7. – Spisak seminara i obuka u 2012. godini

RB.	Naziv seminara ili sastanka	Broj učesnika	Broj dana
1	Editovanje u poslovnim statistikama	2	5
2	Korišćenje registara administrativnih podataka	1	5
3	Gender relevantne tabele u Anketi o korišćenju vremena	2	3
4	EU Twinning projekt - SBS (2 - 3 učesnika), 3 misije/5 dana	2-3	15
5	Metodologija istraživanja	1	5
6	SIDA Nac – Radionica BiH/SCB Projekat o upravljanju baziranom na rezultatima, Neum	3	3
7	Metadodata sistem I	2	5
8	IPA 2008 Twinning - komponenta 1.4 trgovina na malo / održano je 5 misija sa po 3-4 učesnika u trajanju od 5 dana	3-4	25
9	Upravljanje na bazi rezultata – regionalni projekat SIDA-e	1	3
10	Metadodata sistem II	2	5
11	Editovanje i imputacija podataka u Anketi o potrošnji domaćinstava (6 misija/5 dana)	4-5	30
12	Sagledavanje situacije u vezi sa Postpopisnom anketom	1	2
13	Uvod u regionalne račune	5	5
14	Seminar - Nacionalni računi	3	5
15	Seminar o diseminaciji i web prezentovanju	1	2
16	Study visit - Finska	3	3
17	IPA 2008 Twinning - komponenta 1.5 turizam / održano je 5 misija sa po dva do tri učesnika u trajanju od 5 dana	2-3	25
18	Workshop on emissions of green-house gases from transportation sector in Western Balcan	1	4
19	Sastanak sa predstavnicom IMF-a, gđom M. Mantcheva vezano za statistiku vanjske trgovine	2	1
20	Izrada kvalifikacijskog okvira	25	2
21	Twinning program IPA 2008 – Biznis Registar (5 misija / 5 dana)	3-4	25
22	Developing Microsoft SQL Server 2012 Databases	1-2	10
23	Linux Professional Institute (LPI)	2	5
24	VMware vSphere: Install, Configure, Manage [V5.0]	2	5
25	Microsoft SharePoint	2	3
26	IBM X Series	2	5
27	Microsoft Windows Server 2008 R2	3	5
28	Cijene u okviru GIZ-a	5	2
29	PPI	3	1
30	Osnovni GIS kurs	2	3
31	Obuka za administratore sistema	2	3
32	VMWARE	2	5
33	LINUX	1	10
34	Sastancima RG za kartografiju	2	4
35	Sastanci sa predstavnicima IMO misije	2	-
36	Sastanci radnih grupa za pripremu i provođenje Probnog popisa 2012. godine	5	-
37	EEA/Eurostat/UNECE radionica o statistici otpada (Ženeva)	1	3
38	IPA 2011 MBP misija – statistika stočarstva (BiH SA)	2	3
39	IPA 2011 MBP misija – statistika godišnjih usjeva (, BiH, BL)	1	2
40	SIDA Nac 2012-2014 misija – statistika otpada I (BiH, SA)	2	5
41	SIDA Nac 2012-2014 misija – statistika otpada II (BiH, SA)	3	5
42	SIDA Region - radionica o statistici okoliša	1	4
43	SIDA Regional Survey Methodology Course I, II, III	1	5

RB.	Naziv seminara ili sastanka	Broj učesnika	Broj dana
44	IPA 2008 - Radionica o jačanju institucija za zaštitu okoliša BiH i priprema za predpristupne fondove (Jahorina)	1	2
45	Radni sastanak vezano za davanje odgovora na Listu pitanja EU za poglavlje 27 acquis-a – Okoliš (SA)	1	1
46	Studijska posjeta statistici Austrije	2	2
47	Trening PC- Axis (dva treninga)	2-3	8
49	Obuka Agencije za državnu službu FBIH „Uvođenje načela ravnopravnosti spolova u organima državne službe”	1	2
50	STAC- Course	2	10
51	Nacionalni zdravstveni računi – radionica	1	2
52	Sastanci sa federalnim institucijama koje će učestvovati u Esspros istraživanju.	1-2	3-5
53	Sastanak na temu praćenja statističkih indikatora u oblasti istraživanja, razvoja i inovacija.	1	1
54	Radionica o gender pay gap-u.	1	3
55	Radionica o izradi osnovnih indikatora iz podataka o popisu stanovništva koji su značajni sa aspekta gender statistike.	1	3
56	Sastanak Torinski proces	1	1
57	Gender razlike u plaćama	1	3
58	Ljetna škola na temu “Izrada pitanja i odgovora u istraživanjima”	1	3
59	Anketa o troškovima rada	2	5
60	Redovan sastanak statističara tržišta rada	2	3
61	Oracle DataBase Administration	1	3
62	MS Exchange Server	1	5

Broj :  
Datum: 27.03.2013. godine

DIREKTOR  
Hidajeta Bajramović